

聯邦志略

上卷

和装本

リ 9

4764



門リ 9 4764 卷

馬邦禪治文 撰述
大日本箕其作阮甫訓點

聯邦志略 全部

江左老皂館藏梓



跋

昭和十二年七月十九日

禪治文先生者聯邦之通人植之業師也學博古今篤
行純正誠西教中之賢士哉當華美初定和約之日聯
邦公使大臣顧聖者曾薦先生襄贊其事國政數欲官
之先生不受語人曰人生若駒隙富貴乃浮雲耳吾初
志傳道豈為榮祿所易乎此其不慕勢位之心可概見
矣顧其自奉甚廉終歲怡然然或創義學設醫局立恤
貧之會印勸善之書則竭力從事雖耗乎金不之靳行
己樂道心無旁騖終日孜孜惟以昌明西教為務故其
德徽道範允為列邦人士所欽崇也先生生於美之馬

新
驚

聯邦志略 跋

邦名儀來哲^{ライシキ}字高理文禪治文者其姓氏也先世本英人因英王殘害其異己者故與諸善士挈眷避此遂世家焉先生之兄弟姊妹同胞者凡八人先生居其次牛即穎悟長篤於學世業農先生且耕且讀考試屢邀上等少壯登國學國學者猶中國之翰林也居平博通材藝而於教書尤爲精習暇時博覽羣史旁及前人所譯吾儒四子書及諸典籍知中國孔子之設教與他立異鳴高者迥別遂囑昆季侍嚴親躬經險阻航海來遊時道光之九年也先生初抵粵未諳華語適有本國友人向以刊印著作爲業因欲返國以先生文行兼優堅請

接辦辭不獲己遂以聯散活字之法授華童而教之植時得列門牆蒙先生循循善誘視予猶子愧植不敏深負雅教先生在粵數年終日手不釋卷無惰容殆所謂學而不厭誨人不倦者歟稍暇復恐華人不知美國聯邦之事於是著聯邦志畧一書後林文忠公撰海國圖志曾備登之徐松菴中丞瀛寰志畧亦多採錄近日本國人名可行者復從林本摘出聯邦志畧別以國語譯之足徵先生著述景仰一時固不獨外國爲然矣惜舊板憑漫求者日衆先生爰召植曰是書初作爾與有勞今垂二十餘年國事日有增益吾將重刻新之子盍爲

我校乎。植重因師命，不敢辭。書成，恭叙先生家世，及是書之原起於後時。


辛酉之歲孟夏中浣

受業端溪梁植敬跋

重刻聯邦志畧叙之詞辛酉夏日聯文自編

是書初稿，予向於粵東成之。旋經付之剞劂，禍棗灾梨，情知不免。乃海內諸君，謬加許可，如海國圖志、瀛寰志畧及大地全圖等書，均蒙採入。又有日本人以其國語譯者，一追憶之，殊覺汗顏。今垂三十餘年，原板散失，杳不可尋。予又遷居滬上，索書者踵接於門，懼無以應。其請也，因不得已復搜初稿，與華友宋君重加刪改，並創為漢字地球等圖。書成，予竊羞之。夫聯邦地闊千萬餘里，其間人民政事，書不勝書，豈此區區所能詳盡。而況民有爭心，今非昔比，予猶憂之。乃書未竣事，而爭端已

聯邦號旗圖



成自維乏匡解之策不能排難解紛顧猶覲然爲是書也則誠可羞也然而予又自喜矣聯邦立國去中華極遠一海茫茫渺乎涯涘孰能於數萬里之外知有所謂聯邦者自予之爲是書夫而後聯邦之方位土地政教物產以及民情好尚風俗厚薄凡屬華民咸可探索亦一樂境也而且二國之民由此往來永相友愛豈非是書爲緣乎意雖淺近竊有小補故私喜之會宋君與梁子均慫怱付梓因有續刻之役刻竟宋君梁子各贈以言多過譽予愧無以當之時辛酉夏日禪治文自識

原序

予生於美理格洲（フレイニクス）聯邦國之馬洩朱些斯邦（マサチューセッツ）以地球格之遙遙與中華相對焉今年予春秋二十有七航海出遊繞地球行乃得觀光中土歷見英法士班雅暹羅日本中華等國之士與其文字技藝宛然耳目一新幸何如之回憶弱冠之年在本國時初由大學勤習三載後得入於書院肄業凡各國之文史天文地理律例等學以及國風土俗靡不肆力研求每歲院考差幸上等四年例滿領憑出復從大院習教書試三年亦皆超等例與換憑予時年二十有八矣是時家有諸季之托身無

內顧之憂，於是立意傳道異方，曠覽諸俗，以驗生平所學之是，兼以予國所見聞者，播之異土，或不虛度也。既於粵東領畧華書數載，時與其地之文士相談論，乃嘆華人不好遠遊，以至我國風土人情，茫無聞見，竟不知海外更有九州也。爰不揣固陋，凡本國之大畧，一一分叙，郵寄於新嘉坡，以授剗。百年之後，倘有不恥下觀者，其將嘆賞之乎，抑將拉雜摧燒之乎，均不得而知也。然而馳觀域外之士，必不方隅自封而笑我已。自序

叙

禪君者，ユナイテッド聯邦之成德士也。余初不之識。丁巳夏五，余避兵於海上，始遇之，遂相談論，締文字交，日以彼此所學相教益，且爲余道聯邦事甚詳，以故余頗知之。夫聯邦者，ニユウエイニレルド新洲中之一國也。處地球之上，與中華背相合，其地土之美，物產之富，亦彼此相等，誠海外僅有之地也。然當未得新洲之時，是地土民無多，荆榛滿目，獸蹄鳥跡，交乎四境，亦不過一僻壤耳。迨遠方之人至，驅鳥獸，闢草莽，創道路，建屋宇，墾荒爲田，精求農務，於是土民遠徙，他國之民來者如歸。由此生聚日繁，財貨充集，地土

之利，罔有不現，而千萬餘里之中，遂不覺市井相望，道路相接矣。在我乾隆之四十一年，其民迫於外侮，乃合十三地之人而聯之，各立爲邦，共爲一國，邦有邦君，邦君之上，立一總理者主之，是爲國君，其餘百官，各有專職，自君以下，皆民選之，取其公也。計聯邦開國至今，甫八十餘年，所屬邦部凡四十，其間田畝之肥沃，金墿之充盈，數千年以來，無人知之，去年禪君有復刻邦志之意，出其初草，屬刪訂之，書成，因就所知之大畧，述之以爲叙。至其人民政事，有是書在，故不具論。金陵宋小宋識。

發凡

一 是書訂爲上下兩卷，上卷總括全概，歷叙拓地開國之原，風土人情之要，便閱者之覽其大畧也。下卷按邦列圖，每志附後，載方域之廣狹，記物類之專產，備考者之易於熟悉也。

一 上卷篇幅較勻，下卷詳畧有不等者，以各邦之政有異同也。異者詳之，同者畧之，忌贅也。譬有兩邦之相同者，則儘詳於前而不詳於後。

一 書中各地圖，皆列度數，有一格一度者，有一格四度十度者，取其易於記里也。按一度當中國之地

二百五十里。其餘各雜圖，不過擇可繪者圖其一。二、以助見聞，非有意於挂漏也。

一是書詞意俱未盡，與詞窮而意未盡者，均用小、以頓之。詞意俱盡者，則用小○以住之。句中有可間斷，或兩三事物並書者，則連用小、、以讀之。務使句讀分明，庶詞意不致蒙混。

一書中國、邦、郡、邑、暨山川等地名，概用┆，人名槩用┆。間有不用者，則以人所熟睹，故省之。

一書中邦名、地名，時有多至五六字者，譚譯之家，音人人殊，且不爽於閱者。茲特擇首一字代之，如牛子舍布什爾，名牛邦，馬洩朱些斯，名馬邦是也。餘皆倣此，似較簡便。

一書中間用小註者，或因補上文之未盡，或因解上文之未明，總欲讀者得其詳細之意。

一是書皆本國史，及各邦風土記譯述，無片言夸張虛誕之詞，故曰志畧，言記實事之大畧也。

一讀是書者，宜先明地勢，地勢不明，則不知各邦之方位，讀如未讀也。故上卷既列古今地圖各一，又復列兩球圖及聯邦總圖以陳之，總欲人之窮求地理也。

善舉述畧

風俗人事

卷下

緬邦

牛邦

花邦

馬邦

洛邦

干邦

紐邦

鳥邦

邊邦

特邦

瑪邦

費邦

諾邦

叟邦

卓邦

福邦

雅邦

密邦

祿邦

德邦

耳邦

典邦

建邦

呵邦

米邦

音邦

伊邦

默邦

愛邦

威邦

梅邦

弟部

拿部

剛邦

印甸諸部

柳部

爾部

附

武部

華部

頰邦

嘉邦

補餘

坤派

震派

未派

艮派

巽派

坎派

離派

震派

兌派

巽派

震派

震派

大美聯邦志畧上卷

至領此派於其野有大概限

陳風土其地雖遠馬邦長畢禮遮邑裨治文撰

覓地原由典韻大凡普魯西舉此味以大師

粵稽太古列國紀載互有異同中華自狂秦一炬久矣

失傳太西往哲嘗以人世駒隙泡影於名利倫常猶且

孜孜考覈是故太西各國爰有畢生力學殫精竭慮或

習他國方言溯其書史或考諸邦往古究其指歸因知


猶太國新舊經約備載超越他邦蓋諸史所紀間與教

書暗合然多怪誕荒謬之詞茲難闡述有志者玩索其

書可也其初物鮮人稀文字未立事無紀錄今博古之

士、僅言其畧耳。茲以地體而論，古來相傳，只言地平不動，不知地轉如球也。故昔之建國者，但知近有藩屬，遠及鄰邦耳。安知地球背面，復有至極之國乎？迨中世之士，研精考究，惟知天下中列三方：東為亞西亞，內分數國，曰中華、曰日本、曰朝鮮、曰琉球、曰安南、曰暹羅、曰緬甸、曰印度、曰巴西、曰亞喇伯、曰猶太、曰俄羅斯、曰土耳其等國是也。西則歐羅巴中，為英吉利、法蘭西、荷蘭、西班牙、葡萄牙、瑞典、瑞威、大尼、普魯西、奧地利、以大利希利尼、土耳其、俄羅斯等國是也。西南則阿非利加、中埃及等國是也。以上看後古地理圖便知至於地球彼方，復有大洲，則


從無人知之矣。迨後明朝年間，普魯西國有精於天文歌白尼者，暗想地形如球，則東西兩方之間，不應別無土地，然只具論而已。至弘治五年，有欲窮究此理者，乘舟西行，往尋新地。旁觀者固笑其愚，即同舟者亦云無為。乃西行極遠，竟覓新地而歸。斯往尋地者，以大利人科倫布也。以上看前今地理圖便知初請國主，求發船往國主不允。復請於葡萄牙王，亦不允。後頻懇士班雅君后，延至八年后，以色列喇始允諾。給以大船一、小船二、三船共百二十人。於弘治五年八月初旬啟行，行經二十一日，不見堤岸，水手輩恐有絕糧之憂，欲拋船主於洋，自行返



今地理圖

格一為度十圖此

突地分一水分三下天知便圖此看




古地理圖

格一為度十圖此


三大洲外此乃
古人未知之地

棹科倫布揣知其情，惟用善言撫慰。漸見飛鳥，窺以遠鏡，遠有堤磯，草色蒙茸，乍覩人煙，鼓棹傍岸，人各執旗。同舟之眾，相視赧然，去舟登岸，托足於斯。至弘治六年正月，舟始旋國。自是之後，乘舟而經此者，間不乏人。獨有船主美理格者，以大利人也，往來較駭於此地。山川物產，苗人土俗，所記頗詳，歸以語人，迥越儕偶。故後人即其名以號地也。迨新土既覓，地形如球之說，尤屬顯然。惜歌白尼未之見矣。正德年間，歐羅巴有人欲究其理解，解纜西行，先過新地，經亞西亞，阿非利加等國，後還歐羅巴，亦有解纜東行，繞阿非利加，亞西亞等國，後過

新地，旋返歐羅巴，可知大地東西通行，圓圓如球，確有明徵。看後球圖便知其初園地週行者，為葡萄牙人馬基蘭奏



覽地原由



請發船五號先到一地屬呂宋之南因與土人爭鬪被殺舟人乃立嘉奴為船督環地而返返之日王錫之銀


鑄小地球一枚上刻字云始環地而旋者其嘉奴乎用誌始也今之船自東往西或由西返東環地旋轉歲不
 乏人約六七月間即可周行全地看前地球圖所繪壬子已丑兩水道便知矣
 是則科倫布之剛毅勇往不特另覓新地乃亦明證地
 圓如球之說矣猗歟休哉

疆域度數

夫美理格大洲既曰新地又曰西方則歐羅巴亞西亞
 阿非利加三洲當稱舊地オウテケ通號東方而無疑義足徵天
 下有新舊二地之分矣但新地固非古無而今有特古
 人未知近世斯覓故號稱新地以別乎舊地云耳新地

界分南北，中有窄地相連，形若蜂腰，以為自南達北之要道。然總名為美理格洲，不過分南北以別之耳。南地所屬內分數國，曰紐格那答，曰威業蘇拉，曰吉亞那，曰庇理些離，曰巴魯圭，曰烏魯圭，曰拉巴拉他，曰巴的俄尼亞，曰智里，曰波利非亞，曰皮魯，曰葉圭奪等國，是為南美理格。以上看前地理圖北地之西屬俄羅斯，正北屬英吉利，東北有吉林蘭等洲。仍看今地理圖至於北地之南，則為墨是科等國也。北地之中為聯邦，即緬牛含布什爾、花滿的、馬洩朱些斯、洛哀倫、干捏底格、紐約、烏遮爾些、邊西威業、特拉華、瑪理關、費爾治尼亞、諾格阿利納、叟格阿

利納、卓爾治亞、福落里得、雅拉巴麻、密斯昔比、祿細亞那、德過瑟斯、耳剛色斯、典捏西、建得基、呵海呵、米世幹、音地亞那、伊利那倚、默疏理、愛約娃、威仕幹清、嘉理符尼亞、梅尼所達、頴里恩、華盛頓、武達、柳墨是科、剛色斯、拿布拉士格、爾理瑣那、弟哥達、印甸等邦部。看左聯邦地理總圖便知至南地與北地之別國，姑置不議。茲就聯邦之地而論，聯邦居北地之中，其地位與中華相底背，以晝夜較之，今之聯邦之夜中，乃為中華之正午，中華日入之時，正聯邦日出之際。若論地形之長短廣狹，彼此大同小異，惟究其人物行藏，則大有不同矣。以地球經緯線考




之東西周圍共二百六十度聯邦約得五十七度中華亦約得五十七度若以南北環地而計周圍亦三百六十度內二十四度餘在聯邦三十餘度在中華是中華與聯邦相似而微有底背之不同焉以四至論中華東濱洋海西界霍罕印度各國北接俄羅斯南連安南緬甸聯邦之東有壓瀾的洋西濱太平海北為英屬南接墨是科國由是觀之可知兩國之疆界彼此東南北三方或陸或海似皆無異惟西方之界一則屬海一則屬陸微有不同耳今以地球所載之水與地而論大率水得三分地得一分若以此一分地試畫為五十分計之

耳、呵、吉等河，皆滙流於密河，由墨是科國海灣入洋。西南別有哥河，由嘉理符尼亞海灣入洋。北有大湖六，曰安、曰衣、曰休、曰米、曰蘇、曰產。又有諸小湖，不勝枚舉。向東之平地，以押山爲界，極東爲洋海，以其地近壓瀾的，故曰壓瀾的平地。內分數邦，是爲一分。西方之平地，以落山爲界，極西爲太平洋海，故其地稱太平海平地。西地較大於東，內分數邦，是又爲一分。中以東西兩山爲界，內分十餘邦，地廣人稠，望之如畫，名曰密河谷之平地，是又一分也。諸山有多礦，或生金銀銅鐵煤石，又有草木鳥獸，便民食用，取之不盡，用之不竭，水則鱗介繁多，供人漁釣。大小舟楫，往來絡繹，以通商賈。至於平地之內，鄉邑鎮市，牛羊各畜，以及百穀，靡不蕃盛。


邦都道路

今夫聯邦之所以聯，其道不一。蓋其言語、教化、國政皆同，有此三相同者，以爲聯邦之綱領，故其聯絡乃堅。除此三者之外，別有水路、陸路，四通八達，以成其相聯之勢。水路往來，有航船、火船，運船利於濟。陸路馳驅，有馬及馬車、火車，便於行。以此六等通行國中，無地不達，無之不可。國中有國都，乃相聯各邦會議之所。每邦又各有一都，以爲邦人會議之處。當國政既立，臣宰議建國

部。看下面圖便知部離洋海八百餘里，地方方二十八里，分三邑。一卓爾治頓，一華盛頓，屬瑪邦。一亞力山大，屬費邦。中有婆多麥河為界，是河分兩支，一寬一狹，狹者曰東支，華盛頓邑適在其合



流之處。邑中有溪曰提巴，北有溪曰落機，乃鄰邑交界之處。邑長十三里，寬八里，即國都也。衢路錯縱，又有四隅相交之路，寬至十六丈者。中建




公議堂，君主宮室，百官部署，以及民居咸在焉。至於各邦之都，又有一定之邑，如緬之都，乃奧額士大牛之都，乃剛哥的花，曰滿紕理耳。馬曰波士頓，洛曰普拉以登，茲干

曰哈弗的紐，曰阿而別尼，鳥曰突連登，邊曰哈力斯，帛特曰土花，瑪曰安拿波列斯，費曰理治門的諾，曰老里


叟曰科倫布亞卓曰密理治威里福曰打拉哈西雅曰
 滿恩米力密曰查克遜祿曰巴安祿施德曰奧士定耳
 曰歷地洛克典曰那是越里建曰佛蘭飛的呵曰科倫
 布米曰覽星音曰音地亞那波列士伊曰士兵非里默
 曰遮費爾孫愛曰弟磨尼斯威曰馬地遜嘉曰撒格列
 明度梅曰桑保羅頰曰撒冷華部曰阿林比亞武部曰
 費里馬柳部曰散地費剛部曰里敢布頓拿部曰阿馬
 哈是也。每邦又各有郡、邑、鄉、鎮等處，但聯邦之所謂郡
 邑者，皆無城垣也。其間水陸相通，互有舟車以相往來。
 舟船之製有三。一航船有長三四丈，至二十丈以外者，

或兩桅，或三桅，上用橫木數層，繩索相牽，密於蛛網。布
 帆數十面，以次遞懸，望之若垂天之雲焉。其船載商賈貨物，自
 五十噸滿，至二三千噸止。國中貿易者，往往以之。兵船之式亦
 與此等，但多設砲位耳。圖見下面國
 內每年約增一千四百隻。一
 火輪船，大小與航船等。其製有
 用桅者，有不用桅者，又有用暗
 輪者。大抵皆以水力火力相激

此圖乃航船中兵船之式




此乃火輪船圖



而行其駛甚速一時許可行七八十里國內每年約造
四五百隻。圖見右面是二船者不特國內往來凡在地球上
之各國但有水道可通蓋未嘗不至焉至於運船其式
於船之上造作屋形不用帆檣不用火力循堤岸之曲

直以馬負之而行。圖見下面但只能用於
內地運河耳。運河兩岸砥平與外水
不相混。外水之上橫駕長橋橋上疏
成水道。接連運河以渡運船。計通國
之運河長有一萬七千餘里。若夫陸
地之上在昔路途狹隘行旅寥寥百
年以前之往來者尚皆乘馬以代跋
涉。然於郵寄書信轉運貨物則頗為
不便焉。迨後數十年道途漸闢無礙
車行於是乃有馬車之製其式或一

運船圖式



二馬或三四五六馬不等既便載人又可運貨傳書一切蓋較乘馬為便十分矣。圖見下面近來國中又有火車之

製特造大路遇有岡則平之山則穴之若遇大川深谷則或實以泥土或建以橋梁皆取平正通達便於車行路之兩旁建造鐵軌以轄車之二輪或單路雙路不一故乘馬及駕馬車者又鮮矣火車之式前車燃火次車載煤後或三車五車以致數十車隨便增減皆可聯貫其間載貨載人迅速非常大率一日可達一千餘里至計各邦鐵軌之路現已造有八萬餘里窮工極巧可謂盡矣。圖見下面又有電機テレグラフ遠報安設水陸用以飛傳一切音信捷於電閃不論軍國重務雖千萬里彈指可通其製兩頭安機以引電氣中間計道途之長短安設鐵線一條以作電氣之路其氣行至當止之地自能于安機處印出文字以達所傳之事故名為電機遠報云其引用電氣之法大率與火船引取水氣之力同功而異用國中近已十萬里路有之天下至捷之法蓋再無有捷於此者此通

四馬車圖式



火車輪圖式



詳邦志畧 七卷 邦都道路 十三


國之所以聲氣相通而相聯之邦所以成爲一體也。

天時地氣

天時有雨雪寒暑地氣有燥濕美惡之不齊者皆由於日光地質水性之有別也。日光有偏正地質有厚薄水性有剛柔地氣於是乎分天時於是乎定。然三者之中日爲主故先以日論。日光所照之處天時可分五等曰熱曰暖曰溫曰寒曰冷是也。當春分秋分之際晝夜相平各皆六時。日光直臨赤道キリエドレ故赤道之地極熱光稍偏則熱漸殺漸而溫和漸而寒漸而至於南北極日光所不能到則極冷。春分後日光斜入於北北多暖南多寒。

北晝漸長南晝漸短。秋分以後日光漸轉於南南多暖北多寒南晝漸長而北晝漸短矣。總之日由赤道南行及乎晝短圈則漸返赤道以入於北又及晝長圈而返往返不停畧無間斷。故日光無一日之同寒暑有朝朝之別也。設使日光永在赤道則赤道常熱南北極常冷。天下萬國寒者終寒熱者終熱將何以分春夏秋冬之四時哉。故欲知四時者必先知地球。地球上之東西按照度數天時皆同。如某度之某國現當春令則凡東西同此度數之國無有不春。某國已秋則凡東西同度之國無有不秋者。然此特就東西言之至於南北則彼此

寒熱大相迥別矣。姑以南北論地球之南為南極，北為北極，南極之上為南寒帶，北極之下為北寒帶，又稍進則為南溫帶與北溫帶，為熱帶，中腰為赤道。今如日光臨於北，北半之地當春夏，正南半之地為秋冬也。後之日入於南，南半之地當春夏，亦即北半之地為秋冬也。由是類推，餘可例見。



於圖左列聯邦在此面北溫帶之地中
 北美理格冬節即南美理格夏節
 北極 圈帶寒北
 帶寒北 圈帶寒北
 帶溫北 圈短晝
 帶熱北 道赤
 帶熱南 圈長晝
 帶溫南 圈帶寒南
 帶寒南 極南
 極北
 帶寒北 圈帶寒北
 帶溫北 圈長晝
 帶熱北 道赤
 帶熱南 圈短晝
 帶溫南 圈帶寒南
 帶寒南 極南

華在彼面北溫帶之地，雖有彼此之分，而天時地氣相

同者，以同在溫帶故也。故知中華當春夏之時，則可知為聯邦春夏之時，中華秋冬之時，則可知為聯邦秋冬之時矣。但聯邦在溫帶之地，地雖溫帶，而天時亦分五等。如聯邦之北界，地氣則寒，每年降雪，有多至五六月者，比於中華北京及葉爾寇城四十餘度外之奉天伊犁等處是也。自北而下，地漸溫，雪漸少，年中不過二三月，或數次者。迨至南界，則地氣甚暖，冰雪全無，與中華粵東滇省之地氣等矣。至言乎地質，則聯邦之地，大率厚者多而薄者少。蓋其三平地中，中央者為最厚，次之則西方之平地，雖稍遜於中央，却較嘉於東之平地焉。

若夫國中水性則江河百派半屬清流緣高山之巔時有積雪消融而下注也向北地氣雖寒然比北界英屬之地則又稍溫向南地氣雖暖然比墨是科國則又不及蓋其一近極北故寒甚一近赤道故熱甚也至比歐亞阿三大洲之內則或有同或有不同總之地球上之各國求有與聯邦幅員相等之國而又能天時地氣無不相同者殆難之矣

土產物類

地球上之諸物名不一名類非一類今總揆之計分三等曰有氣血者曰無氣血者曰死者也有氣血者鱗蟲

禽獸之屬是無氣血者草木果蔬之屬是死者金玉煤石之屬是三者聚地之上或生於土或生於水資人飲食便於世用除是之外更無他類混生其中顧其中之至重者則尤以金銀百穀草木為首地球於是乎成今試以聯邦論在押落兩山所產者有金銀銅鐵鉛錫之富可以市物可以鑄器玉石之屬有陽起水金硫磺粉水晶墨晶水銀火石花缸青白鹽石膏粉石滑石雲石紅泥青赤白石等名若建屋若填街以及製器無不各有其用又有砂土之泥可造作磁與玻璃等他如煤石則各處皆產多而且良國中居民採以代薪取之不禁

用之不竭。既無伐木之勞，又鮮不敷之慮。兼之茂林之木，以不橫被摧殘，皆得以成其有用之材。此聯邦又所以多木器也。至於民間日需之鹽，雖多用亦不能盡。緣國中三面皆海，又有鹹湖、鹹泉，或曬或煮，皆足以資用。故鹽爲最盛。穀實若稻、大小麥、豆、芝麻等，暨各菜蔬，人參皆備。果實若桃、李、梅、梨、橘、柚、柿、栗、芋、瓜、菱、藕、櫻桃、核桃、葡萄、甘蔗、林檎、蘋果等。花草、百藥，種種不缺。樹木之類，難以數計。其有成大材而堪大用者，若架屋造船，或棟梁，或桅柱，則有松、杉、槐、栢、榆、桐、楓、橡等。至於桑、麻、楊柳、椿、檀、茶葉等類，可無論矣。飛禽有雞、鴨、鵝、雁、鶴、鸛、雉、鵲、鸚鵡、鵝、鴿、鷗、鷺、鷹、燕、鷓、鴒、啄木、翡翠、鴛鴦等。走獸有牛、馬、驢、騾、猪、羊、猫、狗、豺、狼、虎、豹、狐、兔、猿、猴、熊、鼠、獺、貂、麋、子、鹿、麝等。鱗介有龜、蛇、魚、鼈、鼉、鼉、螺、蛤、蝦、蟹等。昆蟲則有蟬、蝶、蜂、蛾、蠅、螢、蚊、蚋、蛙、蟻、蝗、蠶、蜻、蜓、螳、螂、蜘蛛、蜈蚣、蟋蟀、蚯蚓、蜘蛛、蝸牛、蜈蚣等。其他瑣微之物，莫能枚舉。要皆不出此三大類之外也。至于新開之各邦部，其所產尙有未知者，茲不載。國中之民，除日需足用之外，往往以所餘者運販鄰國，以濟民生之用。若金銀等器、木器、煤炭、牛、馬等，亦可見聯邦土產之多矣。

開國原始

當覓得新地以後，聯邦未經開國之時，約在三百年前，歐洲各國人民，麇至貿易，然皆不過旋來旋返，初無久居者也。後因其兵力微弱，謀畧未廣，於是莫不覬覦，踞其土地，適屆荒年，新地之民，往往遠徙就食，迨饑饉洊至，民不能堪，各國遂乘間，加以師旅，由是其地危殆，難立，乃爲各國分據。溯自開創伊始，有明萬歷年間，英人請於君后，欲開新地，君后可之，因稱所據之地曰費爾治尼亞，譯言貞女地，蓋頌揚其君后之清貞自守也。其後繼位之占士王既立，居民請隸版輿，王命七人往理之，以一人爲首，六人爲副，當地文武咸歸節制，爰稱其

邑曰占士，亦頌王之意也。泰昌年間，英人有寓居新地之北方者，名地曰玳理某，求其至此之故，則因英王有諭云，教旨胥定於一，毋許自異，致啟爭端，有違此者，當以罪論，不知其理自有指歸，而晰義者不免各抒己見，譬猶中土疏經傳者，朱陸互有異同也。所以彼與王見解不協之民，皆請自徙新地，王許之，於是稱爲純潔之士者一百餘人，遂往新地，既至，適屆嚴寒，又土人前有痘疹之患，捐命者多，是時得英人初至，相與交好，無不喜樂。英人來時，因自玳理某埠解纜，故用以名地，亦顧名思義之意也。玳理某新地，有土人一種，其長名馬洩

朱些斯與英人交甚厚，後之有馬邦者，即因此頭目之名名之也。自泰昌至天啟九年，來新地者約數千人，後漸增多。馬邦之玳理其等處，隘不容居。於是牛洛于各地開焉。崇禎十二年，予祖尚居於新地，于馬邦焉。邇時地名不一，但總曰新英地而已。後之邦名，即從其舊。當英人初到之始，據其見解，盡其良心，以事神。一經抵地，隨建講堂，又設官以治羣民，立學校以教子女。萬歷年間，荷蘭人之至新地，居新英地之南者，名曰新荷蘭地。康熙三年，新英地人得之，改名其地曰紐約。後即用此以名其邦。崇禎年間，新荷蘭地之南，瑞典國人來居者，名之曰

鳥遮爾。此後為新荷蘭人所得，踞有其地，不期新荷蘭地又復為英人所得矣。鳥之南曰特拉華者，有瑞典人居之，後為荷蘭人所得，終亦盡歸英國。崇禎五年，當英之君后瑪理時，英人有欲居新地極南者，奏聞報可，遂名之曰瑪理關。順治五年，英人至費地之南者，稱其地曰格阿利納。後又分其地為南北二名焉。康熙二十年，間英之人姓邊名衛廉者，其父前為水師之長，捕賊極多，王錫之金不受，願得土地。於是授以印券，使往新地。故又有邊西威業之地。雍正十年，又開得卓爾治亞地。由是遞興，越百數十年，新地遂以次漸廣。當時新地之

人丁約計百萬。凡屬英地者，其官或由國中派委，或係英民自立。大槩治以英例，但其土著之民，頗難畫一，數有分爭。既而法國之人，亦來居於新地之北，因名之曰新法蘭西。後又改名曰加拿他。自此而北而西而南，法人居者漸多，且建設礮臺，以防新地英人之變。時英之費邦長官，因法人繕修武備，爰特修書，使華盛頓呈於礮臺內將軍。其畧云：母多設礮臺，失我兩國修睦之素，將軍不允。華君覆命，費之長官，遂修書遍達新開各地，兼奏於王。當乾隆之二十年，英王遣大將軍統領兵船數十號，士卒數千人，來詣費邦，酌議戰攻事宜。二十一

至二十三兩年間，英法久戰，勝負莫定。迨二十四年，法之將軍瞞鑒與英帥吳爾富，兩軍對壘於貴璧之地，大礮互轟，兩帥均負重傷，回營旋死。獨英兵勇往，終獲大勝，遂毀其礮臺，踞其土地，立為藩屬。二十五年，旋師奏凱，安有其地，由是其地亦歸英矣。

民脫英軛

英兵既解，新民相安者數十年。夫此新民，即舊英之民，分而來居者也。其在新地，奉英之公，守英之法，與在舊國無異。英民彼此，時相通問，英王自應目無異視，庶幾新舊一家也。而況民來新地之由，皆出於民之己見，英

王既從民見，則尤不可以虐政施之矣。加以創道途，建屋宇，竭貲財，費人力，百計經營，備嘗艱苦。英王曾未聞問。乃歷數十年後，新地始得漸入佳境，安享豐年，以致民殷物阜，貿易日興，是惟新民能自苦，所以能得甘也。不意英王苦則聽之，甘則欲餽之，妄於乾隆之三十年，意欲勒逼居民，開征印紙之課。凡屬新地所用之紙，例行納銀請印，無印者不準擅用。新民不從，英之宰臣，姓必名衛廉者，亦以王言爲非，於是王意遂不果行。後又欲開各物及玻璃等例，新民曰：王如此，是有意逼吾民也。後有來者，決不售之，王其如予何。迨三十八年，英王

因前例之未行，爰思改易茶額。出諭云：商船由中華販茶來者，向例賣者輸納，嗣今以後，東印度公司船至此，賣者免征，但令買者交納。其意以公司乃英宗國之商也。適本年公司船數號，運茶到馬紐邊，諾四地之首邑等處銷售。其至諾之首邑者，囤積貯棧，無人購買，均被霉壞。往邊紐之首邑者，其船皆被驅逐，不准進口。至於來馬之首邑者，又被居民易衣帶，裝面具，乘夜登船，強將所載之貨，三百四十二箱，拋沉海中。而且四路聲言，如出一口，皆曰：英王若征買稅，而今而後，我輩甯飲水矣。英王聞之，遣兵抵境，凡屬稅款，強逼加征，民衆不從。

生受造同得一定之理已不得棄人不得奪乃自然而
然以保生命及自主自立者也苟欲全此理則當立政
以從民志設與理有不合即宜聽民更正况明哲之心
人皆有之使非情勢太難誰肯輕於改革必且隱忍至
再迨忍於無可忍而勢乃出於無奈耳現英王反理虐
民屢行不道凡諸非法不勝指屈姑列數款以爲共證
一 出政令原期公正妥協洽合民情惟王不然
一 有緊要事務即宜速立章程乃不候旨者王則禁
之立而候者則又永不降旨
一 會議立法於民甚便惟霸王者爲懼謂不除此制
則不許民立法而王則數行之

一 立法之處例有定所乃王之所行則召會集於不
便之地以強民之從己

一 王心貪得於民民人會議除之王則輒行散會
一 會既散後縱有内外交難緊要事務王則永不復
召此會
一 我處居民稀少原冀外邦人民膺至以補戶口之
缺乃王則立法阻之

一 犯法之人舊例須設主理者公判乃王不許
一 立司審官向例或民選王選均宜互定乃王則自

定俾其所立者，徇其私意。

一我處官職人員，例有定額，乃王則破額立職，妄遣多員，以飽民膏。

一承平之世，民不需兵，王則妄添多兵，派守我處。

一文武平屬，向例不相上下，乃王則崇重武員，輕藐文職。

一我處政典，向有舊章，乃王不加調護，反施暴虐，以廢原地之制。

一傷財害民，王者不行，乃王劫商船，毀民房，害民命，兼令兵士辱民，所行非法。

良民被劫，理宜寬待，乃強之幫擄別艘，否則加害。

王者之言，光明正大，乃王唆使苗人及我處之民，

互相爭鬪，以難衆庶，立各領事，家國土不同。

以上各款，經我民數諫，除不從外，反益加害，不得已乃

請宗國之人助諫云，王如不從，恐民心不測，反有意外

之憂矣。王怒甚，終不改。於是我衆愈忍，王政愈虐，處極

無可奈之時，當萬不得已之勢，若不自立政治，是自不

有生命也。遂告民曰，歷代以來，苟非政猛於虎，民不聊

生，斷未有畫地自封者。今王所行若此，是迫我創立邦

國也。嗣今以後，永遠不奉英法矣。於時十三邦遂盟爲

一、而聯邦之名乃由此始。聯邦之國乃由此開。此我民之所以脫英軛也。

建國立政

夫宇內之國政，大要不同者有三。一曰權由上出，惟君是專，如中華、安南、土耳其等國是也。一曰君民同權，相商而治，如英法、普魯士等國是也。一曰君非世及，惟民所選，權在庶民，君供其職，如我聯邦國是也。夫我聯邦之政法，皆民立，權不上操，其法之已立者，則著爲定例，上下同遵。未立者，則雖事關國計，君人者亦不得妄斷焉。蓋其庶務以衆議爲公，凡政以無私爲貴，故立法于民，義有

取也。考我國自十三地同盟後，英王聞之，益怒。歲增兵卒，攻敵相尋。凡我同盟之地，咸有兵憂，烽火之驚，難以言喻。向例十三地內，戴甲者甚少，總揆民數，不過三百餘萬。邇時各自爲兵，莫不一以當十，計與英敵約有七十年之久，彼此死傷之民，殆有不可以數計者。迨乾隆之四十七年，英王自度難勝，因遣使議和，而我聯邦之民亦厭兵告罷。于是年冬，遂與英立和約。約成之次年，英師退，聯邦之戍卒仍解甲爲民。華帥遂亦退休林下。其後各邦無事，共際承平，乃相與培國基，新政典。公議同聯之邦，各派紳董，齊于邊邦之都，會議開創政體。計十

三邦共派紳董議立政體凡七條。議成紳董繕寫傳知邦會各聽邦民細為商改如是者數年迨乾隆之五十年有二載政體乃定其畧云茲我聯邦之民因欲聯絡永堅一心公正彼此平康互相保衛永利國邦恪遵自主等務特此會集公同議定開創政體以為新國世守成規所有七條俱列于左。

一凡立法權柄總由國會中元老紳董兩院司掌外職不得踰分辦理其元老之數歸各邦會中公同選舉按每邦兩員一任六載。統計若干邦該舉若干員總分紳董之數由各邦民眾公舉視民數為準一任兩年。按乾隆

十年定例邦民三萬准舉一員後道光二十二年改增邦民七萬六百八十始舉一員近今民數繁多更增舊制

至于各邦選舉元老紳董之期及一切儀注皆由邦會修定或由國會通知均可所有兩院辦公自應各有本院規例毋得互相攙越該院員之俸金例由國會定數給發國中諸稅有應充正用及一切政務章程皆當先由紳董草議然後與元老會商始歸國君詳察施行。君曰可則行之否則必覆議另上如是者矣夫然他如後行至可行者有三分之一則君亦不阻之矣

國內關稅鑄寶借貸貿易銀號驛報信同測量寄籍等務概歸國會承辦會中設有未定事件即尊如國君亦不得自專獨斷焉。其一切在國職員例無爵位高卑之

別彼此尤當一體。若夫饋送財禮交通走私諸弊上下均不得私相授受。縱或微物之敬亦必通知國會。俟其准否以定行止。再國會中應辦政務各邦會悉不得任意越行。

一凡行法權柄總歸國君主持位分正副率任四年。君副

無職守除國君有病或病故副君代攝外餘無權不過為元老之領首而已。是二君者概由各邦會中公舉。其選舉之制按舊君滿任選期將屆先

于前一年之冬月即舊任之定一日諭令各邦良民齊

于是日會集本邑公舉國選官。國選者代本邦之民公舉兩君之員也其員之

名數照依各邦選制。至十二月各選官齊集該邦之都公

舉國君

于時先于選單內各填寫正副二君之姓名置

然後繕選冊二帙由本邦會中蓋印訖屆本年之

月先訂一日及期舊君率元老等皆往紳董院有武弁

者捧貯各邦選冊之篋隨行。時諸大臣進各紳董皆立

元老之領首者起宣明會集之故于是武弁呈篋上元

老乃將選冊所載某某得選籌若干一一宣告于眾。若

君位已定即諭眾曰現立某為國君某為副君矣自三

月初四日即位起蒞任四載宣畢派使往稟承位之君

即位之日。新君帶同文武大員詣元老院副君及司審

從之詣殿堂之東闕登高臺俾眾瞻仰隨將所定即位

後之政典宣示于衆司誓誓云予小子輸誠昭告而今而

後君臨聯邦恪供要職原創政典敬守勿失誓畢施用表

慶賀並示庶民新君已至于軍務大權不分邦國凡水

陸之兵將槩歸國君節制若君欲派使臣及各屬官員

前往別國或本國辦公皆當先與元老會商元老以為

可始克如派他若使臣在別國所議有關國政及和約

等一切章程當經該使臣妥速回奏俟國君與元老定

奪蓋印後方准施行至別國遣使前來本國辦公例准

此每年之內國君當將己行及欲行各務預為通知國

會或一次兩次俱可若夫國君及各大臣等所行不道

經人告發果屬情實准將該職位革退照案審斷

一凡國中審判總權槩歸國會之司審總院及所屬各

官專執其屬該若干院若干員悉由國會詳定如該院

官有熟諳民情辦事妥協者許即終身辦理不拘年限

至于該院所屬各員俸金自有國會定例發給不得稍

有尅扣若國中有犯法官員暨軍民人等統由該院官

從公定擬按法懲辦不准徇私庇護

一凡邦會所辦政務無論何事係我同聯之邦皆當信

以為實不可是此非彼指為虛假致相疑忌至如別邦

居民前來本邦或本邦之民欲往別邦悉聽其便准許

自顯才能與該邦民人無異。所有各邦所屬荒地久後生民繁多開墾成市或欲立邦立部皆應先由國會酌議居民不得擅專再各邦一切政事國君尤當嚴爲保護不可稍效他國致有倚強凌弱之意。

一我國政體既立之後國會及各邦會之中若有三分之二欲修改政體者許即會同商改另將所議分布各邦俾其互相較閱斟酌盡善再同聯之邦必須有四分中之三准改者始得按照新議蓋印通行。

一凡我同聯之十三邦當與英戰之時無論軍需公務所欠銀兩或借自別款以及居民或貸從他國總歸新國按數償還至于已定政體及國會中既立之法皆係大公無私上下人等尤當恪遵勿背所選一切官員不拘大小職位當未蒞任以前概須立誓守法方許就職。一我同聯邦內見此政體若有九邦意屬可行其餘數邦縱有意見不合者我民槩行從衆不問其餘云云。以上開創政體七條經各紳董傳示迨定後無不遵行嗣又補添數條皆按前條詳叙更覺條中有未明者益曉然矣此即我聯邦立政之始基也。

設官分職

且夫國家之有官猶人之有手足也蓋其官職既設則

各有專司而政不難於行矣。今如聯邦之內國邦郡邑，政各不同，然其大要總不過立法行法折獄三等。詳見

前篇此但試以國論行法之權專於國君其職統率諸

邦總司各政副君者無職同以任滿退。按乾隆之五十四

君其首踐位者為華盛頓歷兩任次為亞登士歷一任

次遮費爾孫歷兩任次馬地遜歷兩任次瞞羅歷兩任

任次小亞登士歷一任次查克遜歷兩任次范倫歷一任

次壁爾斯歷一任次布堪南歷一任馬攝理共歷一任

也計至今年庚申共七十有二年凡立十三君歷十有八

年為一會現屆七十二年凡第三十六會。按元則兩年

則兩年一更新任故元老之中專以副君為院長定例

以十二月之首禮拜日每年集議政典一次如有要需

再集者則國君傳諭屆期另會若紳董則公推其中一

人為院長。每會人數各俸金六千至各人程途之遠近總

路費銀八兩其二院二院之外別有輔院輔院者輔佐

國君以行法之院也。院官七人各司一職其舉黜之權

皆國君操之。當國君選定之時下議於元老院。元老曰

可則立否則止其任四年與國君等。每年人各

一為文書院長乃與國君定可否總理各政者也。凡國

君之公文暨一切文武及出使各國之大臣並駐防本

定焉。

按聯邦有信至中華或中華有信寄聯邦每信一封重無過半兩計需信力銀三角三分

一為表法院長掌凡詳解國法之事如有上下人等不明法者則歸此院解之。

外此別有土司院總統總理苗疆一切有關國政之事。蓋凡苗民自有本部土官統轄至其有礙於國或與國政一切往來之事則此院專之別院不與聞焉。

以上各院除院長之下每院另有屬員數人不等分理本屬應辦之事。其俸金或二千三四千者以故官無曠職責有專歸自我聯邦開國以來計凡七十餘年而君民上下所以得相安如一也。他若邦政郡政邑政視國官不過降一

等其各職之大畧率倣此。又其各職之小畧率倣此。又其各職之小畧率倣此。又其各職之小畧率倣此。

國家之定律法立問官所以禁人之惡念而許人之自修也。故凡聽訟者宜敏捷便利公直則為官者無枉法而為官之所治者無枉情矣。茲我聯邦理刑之官凡分三等一大審法官九員內擇一人為院長一切犯國法者咸歸此院判之。每屆十二月之首禮拜日會審案件一次。會審之時不必全至但無四人則不能審焉。二道審院分九署計凡聯邦之地畫為九道一道一院每院約理三邦各以大審院之一官為院長一年審案兩次。

其道中有犯國法者，則歸此院判之。若或理問不公，在受枉者，上控于大審院。但當按審之時，如無院長在坐，則亦不能審。三州審院，分五十州，每州立官一員，有理一邦或半邦者，皆視邦之大小為定。其州犯國法者，則歸其官判之。年中審案四次，若或所審不公，亦准受枉者之上控焉。以上除為大審院之院長，每年俸金六千五百餘者，各以次遞降，故數不具。三

者，槩係國官，專理犯國法之案。若其人辦事明達，即終身任之，槩不拘限。至若犯邦法者，各邦自有審官理之。郡邑皆同。按審案之制，除審官外，別有法師、議長、公民等。法師者，深通律法，主理民之狀詞，暨代官詰問者也。

至於議長與公民，乃係民間正直之人，平日民衆特選以備審案者也。當選定時，共若干人，比即分為上下兩班。上班者曰議長，主議事之行止。下班者曰公民，主聽訟詞，判曲直之事。每班各有定額，至少皆不得過十二人之制。今如訟者白其事於法師，法師聽其曲直，為之書狀，於是出傳單，以拘被告者至。則有議長等來議其案，可審與否，然後上之於官。官中坐，公民陪聽。設告者有與公民不合之人，許即指名更易。迨兩造陳詞，法師詰問畢，被告者果屬情實，又得證者為據，官遂語公民曰：律書犯某法者如此，今日之案，爾等咸聽，合秉公以

定之。公民遂退，各就所見，書罪上擬。若其一意皆同，則照所擬以爲斷，否則不能妄定，或結案，或再審焉。審畢，錄存案檔，以備後法。凡各審官皆然。刑罰數等，例無慘酷。極重者縊，次監禁，次罰贖，皆依犯者輕重科之，無所謂笞杖徒流刺配斬劓等刑。若犯者罪尙未定，不得絲毫有所凌辱。定例君民犯法，一體同罪，不以人廢法也。通國之律不同者有四：一曰國律，國屬通行者也；二曰邦律，行於一邦者也；三曰郡律，通行一郡；四曰邑律，通行一邑，咸以小屬大，各守所從。如邑不得犯郡，郡其間不得犯國是也。軍有軍法，以及戶口田土一切，無不各有其法，犯之者

即依其法治之。如軍士犯法，即以此軍中之法治之，餘做此。國律例由元紳二院妥議定立，一體頒行，凡屬聯邦，概宜遵奉。若邦律則由各邦自立，郡律邑律亦然。夫羞惡之心，人皆有之，畏懼之心，人皆有之，而謂法如是密，律如是嚴，而猶有犯之者，蓋幾希矣。

語言文字

溯自元始以來，民心淳樸，凡諸語音，列土皆同。自遭洪水之後，民生日繁，人心日薄，好作淫巧，神恐民之流於異端，爰亂其音，散之四處，使之各爲方言，全不相解。於是各國遂有各國之言語，各國遂有各國之文字，而天

下之不同，乃自此基矣。粵稽上古之世，其言語文字，有若中華者，有若埃及者，有若希伯來、梵語等者。梵語即巴里之為語，謂本來之言語也。後變名，散斯克譯，即正音之意。中古之世，有若希利尼者，有若臘丁、亞喇伯等者，類皆不同也。迄今所遺希伯來，與希利尼及臘丁之文字，泰西諸國尚有人用之。然其餘者多半不傳。吾於是知諸國之文字不同，即一國中古今亦不同矣。譬如中國之文字，始則龍、魚、虫、鳥六書各別，繼則變篆、變隸，變為草，又變為今之楷，遂致今之文字，亦不同於古之文字矣。現地球上之諸國，方言凡百數十種，文字不下數十等。惟在歐洲之國，通用臘丁

文字，即今所用之羅馬字。但其字音，言語亦復不同。蓋其字雖一體，而用則各別。如英、法、等國是也。我聯邦之語言文字，與英畧無少異。所用字母，雖僅二十有六，然凡天下萬事萬物，皆賴此以書之。其字相並而成，變化無盡。用之之法，以字調音，定音成言，積言成句。或兩三字而調一音，或五六音而成一言，間有並至七八以至十餘字者。蓋計之則有限，變之則無窮也。凡書之字，皆以橫行，讀法由左達右，以左幅之頁為首，非如中國之從上至下，以右幅起也。英國用之，現已四五百年，字分真、草二體。真字之中，又有大小之別。既便於書，復便於用。故我聯

邦因之。所謂字母者，看左圖其中祇三字有意，可以獨

羅馬字母廿六圖式

一	二	三	四	五	六
數目字	大真	小真	書草	音法	又音
1	A	a	a	野 <small>去聲</small>	亞 <small>啞</small>
2	B	b	b	卑 <small>西</small>	啞 <small>西</small>
3	C	c	c	地 <small>衣</small>	啞 <small>地</small>
4	D	d	d	衣 <small>嗚</small>	啞 <small>衣</small>
5	E	e	e	嗚 <small>夫</small>	啞 <small>嗚</small>
6	F	f	f	紙 <small>咽</small>	啞 <small>紙</small>
7	G	g	g	咽 <small>癩</small>	啞 <small>咽</small>
8	H	h	h	癩 <small>癩</small>	啞 <small>癩</small>
9	I	i	i	癩 <small>癩</small>	啞 <small>癩</small>
10	J	j	j	癩 <small>癩</small>	啞 <small>癩</small>
11	K	k	k	癩 <small>癩</small>	啞 <small>癩</small>
12	L	l	l	癩 <small>癩</small>	啞 <small>癩</small>
13	M	m	m	癩 <small>癩</small>	啞 <small>癩</small>
14	N	n	n	癩 <small>癩</small>	啞 <small>癩</small>
15	O	o	o	癩 <small>癩</small>	啞 <small>癩</small>
16	P	p	p	癩 <small>癩</small>	啞 <small>癩</small>
17	Q	q	q	癩 <small>癩</small>	啞 <small>癩</small>
18	R	r	r	癩 <small>癩</small>	啞 <small>癩</small>
19	S	s	s	癩 <small>癩</small>	啞 <small>癩</small>
20	T	t	t	癩 <small>癩</small>	啞 <small>癩</small>
21	U	u	u	癩 <small>癩</small>	啞 <small>癩</small>
22	V	v	v	癩 <small>癩</small>	啞 <small>癩</small>
23	W	w	w	癩 <small>癩</small>	啞 <small>癩</small>
24	X	x	x	癩 <small>癩</small>	啞 <small>癩</small>
25	Y	y	y	癩 <small>癩</small>	啞 <small>癩</small>
26	Z	z	z	癩 <small>癩</small>	啞 <small>癩</small>

用如 音愛音窩 是也。A者一也，I者我也，O者歎詞，餘則必須聯貫，乃能成音成意。至如圖側之字，乃亞喇伯數目字體，現海外諸國，以其便用，俱通行之。雖其數不過九字，然自小數，以至億萬之數，無不易書易明。

羅馬字用法及

俱錄音之法
 一 one
 二 two
 三 three
 四 four
 五 five
 六 six
 七 seven
 八 eight
 九 nine
 十 ten
 十一 eleven
 十二 twelve
 十三 thirteen
 十四 fourteen
 十五 fifteen
 十六 sixteen
 十七 seventeen
 十八 eighteen
 十九 nineteen
 二十 twenty
 三十 thirty
 四十 forty
 五十 fifty
 六十 sixty
 七十 seventy
 八十 eighty
 九十 ninety
 百 one hundred
 千 one thousand
 萬 ten thousand

學館書籍

我新地初開之始，由英來遷居者，大半皆屬士人，故其立學為最先焉。至今聯邦學館之多，其源皆基于此國。中諸學制度，不以貧富限人。有男館，有女館，各分小學。大學，凡自四五歲以迄成童者，無不可入。其初入者為

小學館分官私二等。官學者邑官理之，每鄉一館，貧者富者均可就學。學中師徒無論男女，各從其便，所學乃啟蒙一切，讀書識字之事。每年館費，各由邑官支取。

官視所治若干鄉，各就其鄉之產以科之，年中征收其銀，按時發給，以爲各鄉官學之費，至其費之等差不同。統視鄉之大小，其有富厚之家，不願其子女入官學，而生徒多寡爲斷。

延師獨教者，是爲私學。小學之上，別有幼學。每邦有數十，或數百館者，其館亦有公義二等。公學由爲師者開門授徒，來學者以束修進，師各受其金以教之，故曰公學。至于義學，則或由富者捐建，或立會公建其館，延師等費，皆捐金者任之，學者不聞問焉。是二館之所學，蓋

自小以幾成童之事。其間另有女館，如教奏樂及女紅等皆是。幼學之上，則有大學，每邦一或二三館不定。一館師或數十位，徒或數百人，入學者統以四年爲滿。每年散館三次，有滿者出，則入新者以補之。其學分四等，蓋滿一年則進一等。年中依次試之，學成者准予超等，否則黜之，理舊藝，俟其學成再進。四年滿者，予以憑畧如中國之生員焉。按立大學之制，須下邦中之廉正能事者，約十數人，均有建學之意，自願聯名，請于邦會，邦會允之，與以文憑，俾其司事，經理立學及學中一切，而大學始能立。其諸費類皆富者捐項，以會中亦有時助銀焉。大學之外，又有三大公學，入館者以三年爲滿，每年散館二次。學滿者各予以憑，俾得

行其所學焉。一曰教學通國凡四十餘館專以研習教
 經講解文義為業學成出館主學者與之憑可為牧師
 以行教化之事。一曰醫學通國亦有三十餘館入學者
 專以講求藥性參悟病源之理三年滿得憑出館可以
 為醫生。一曰律學國中凡二十餘館專習律例之事學
 者果係精通滿日領憑出則可以為法師。法師所務詳見理刑規制
 是三公學之外別有私學係為師者自立其數其制悉
 如公學各館皆有良師聽學者之請業焉。此外又有兵
 館舟師館主教兵法及船工水手之事其費皆由國給
 是為國學近又添士覓學館其中天文地理算法等學

各有專師惟學者之意所擇其費亦由國會領取。按此館屬

於英之人姓士覓者其人因多財而無子立意建一大
 館以公學者緣與聯邦相善故捨銀于我國之會執政
 者乃為之設學以其餘銀為至于書籍之富又有不可
 每年之館費以成其美意焉

以勝數者緣聯邦為士者多暇輒博覽羣書故屬國會
 者有國書房屬學館者有學書房其中陳書大率數萬
 餘種無論何國上自古今賢傳以迄新奇雜說但凡有
 可購者靡不備焉國中書肆各處咸有士人之家恒有
 藏書至數百數千種者間有富厚者置一書室購各書
 于內任人就觀以公同好焉通國除自各國採買書籍
 外本國每年亦時有新書刊刻又有新聞紙不時印出

或每日出、或每禮拜出、或每月、每季、每年一出者、出或數百、數千以至數萬不等。緣聯邦印書之器皆以機爲之、自然運動、其字以鉛鑄成、散則爲字、聚則成篇、蓋活版也。既省人工、印之又便、此新聞書籍之多所由來歟。

百工技藝

美羊牝牝



聯邦地居溫帶、土壤膏腴、山谷衆多、平原綿邈、故其百穀滋生、發榮萬彙、比之他國較爲繁盛焉。國中產金之區、任

人採取不禁、其俗重穀甚於黃金、所以藝業首以農事

閩卷

馬力耕田圖



爲本、他工次之也。務之者、上自國君士大夫、下逮閭閻衆庶、以迄各業之工、未有不留心稼穡、肆力場圃者。今試約數其人、通國計得四分之三。所以土產充盈、而國用無憂、其不足也。至農家所務各事、有不勝枚舉者、姑畧

接乳雌牛圖



言之、以窺大概。如務雜穀者、則有耕穫等事、務花果者、則有培植等事、務園蔬者、力勤灌溉、務林木者、用備成材、養牲者、有馬牛猪羊之繁育、釀酒者、有色香氣味之不同、其他若作

麵餅糖食一切類、皆各務其務。至如紡織之事、亦屬鄉

居木業故凡農家婦女無不習焉其間有以棉織者如


圖 屋 房 居 鄉



布疋之屬有以絲織者如綢緞之屬又有以毛織若大小呢嗶嘰毯毯之屬以蔴織若苧葛蔴布之屬者然此諸務不過農業中之一二總之產有出於土者其務概曰農也農之外有以藝售者是謂之工

如治器者曰作工琢器者曰雕工修理者曰修工鑄造者曰鑄工漆者曰漆工畫者曰畫工設色曰染工奏音曰樂工造船船工造車車工以及金石土木一切雜藝

圖 車 水 火 救



之屬無不各有工以治之大率地球之上凡有可以成物者聯邦之工皆能為之也若夫技藝之精良則又未易易形容者蓋其入之心穎手慧思巧志專故凡理所應有之物時或運奇想以成之如測天鏡能測諸行星之軌道望遠鏡能窺數百里於目前顯微鏡辨析纖微傳真鏡影留逼肖


又有氣球可以凌虛電機可以報遠自鳴鐘表輪傳晝夜之時火砲鳥鎗巧擊自然之火以及寒暑針日月晷

地球測天鏡圖



火輪車、船印、書機器、奇妙等技，指不勝屈。洵所謂窮人工而得天巧者也。近我國又悟得事半功倍之法，凡各業之工，有可以不需人勞而以他力代者，現無不以風力、水力、火力代之。而此諸力之中，又用水火

印書機器圖



之力為最多。如田家則用其力以耕穫，織婦則用其力以成布，諸如鑄器、鋸木、製造玻璃等事，莫不用以代勞。其利甚溥，其便較十倍於人。噫，技藝至此，無以復加矣。

商賈貿易

行貨謂之商，居貨謂之賈，蓋利之所在，而流通百物，便民交易者也。歷觀生財之道，莫大乎是。故人往往樂於趨之。至我聯邦之利於商賈者，其便有四：一則土產繁多，百工咸備，他國所慮為不足者，我則用之而有餘，以有餘補不足，而我之商賈無不售之憂，其便一。一則貨物往來，陸有火車，水有舟艦，比之轉運維艱者，而我則倍形其逸，其便二。一則國之東西南北，各濱洋海，比接大湖，國中又有大河，諸水道為商賈者無往不宜，其便三。一則天下各國皆與聯邦通往來，而我之商賈隨在俱可以貿遷，其便四。由是經紀於國中者，無論何邑，各有

舟車之輻輳，而商販於外國者，亦莫不往來之如雲焉。其間皆或以本國所產，售之他國，或以他國之貨，運回本邦，故聯邦之物遍天下，而天下之物，亦爲聯邦之所共有也。計本國出售之貨，若金、銀、器、銅、鐵、器、磁、石、器、木、器、木料、雜穀、棉花、烟葉、禽獸、獸皮、魚油、煤石等，及一切奇巧動用玩好之物，約凡數百餘種。每年海利所出，如魚油、魚骨之類，值銀三四百萬元。山林所出，如木料、木器、松油之類，值銀一千三四百萬元。農家所出，如猪、馬、牛羊之類，值銀一千七八百萬元。雜穀、百果，值銀五千萬元。烟葉，值銀二千萬元。棉花，值銀十二三千元。工藝所出，如金、銀、器、銅、鐵、器，及衣、帽、靴、鞋、車、船、各雜貨等，值銀一百千萬元。至於賣往別國者，則乙卯年，約售價銀二十四千六百萬。丙辰年，約售價銀三十一千萬元。丁巳年，約售價銀三十三千八百萬。戊午年，約售價銀二十九千三百萬焉。他如別國之貨，聯邦販回者，則有湖絲、茶葉、牛皮、加菲、蘇油、糖等貨。甲寅年，計買三十千零四百萬銀。乙卯年，計買二十六千一百萬銀。丙辰年，計買三十一千四百萬銀。丁巳年，計買三十六千萬元。此即我聯邦貿易之大畧也。

善舉述畧

語云、觀樹必于其果、鑒人必于其爲、旨哉斯言、良不誣也。蓋善樹不能結惡果、與惡樹不能結善果、猶之乎善者之不能行惡、惡者之不能行善也。近今儒釋道、回以及各雜教等、無不各言其教之善、究其立教實際、皆由意想所及、故不能無不偏之病。今試取觀人之法、以觀之、則諸教之善否、爽然可證矣。我聯邦之民、自由歐洲遷來、皆宗西教爲綱領。本愛人如己之意、發爲作善之舉、通國多端、萬民普被。其間屬政屬民、共分兩等、屬政者、如兵丁、水手輩、及凡勞于國事之人、遇後孤苦之時、則設法以歸之、歲中由政務中籌費、以報其勞。若夫國

有凶歲、民食維艱、或發銀、或發穀、按戶計丁、隨方設賑、則亦政中理之。他若別國有災、政務亦間有助之者。外此各邦各邑、凡有病殘之人、如聾、瞽、跛、啞等、則各有專院以養之。至若小孩之無父母者、則設撫育之院以聚之。諸院各立數人、以司其事、一切費欸、悉由政務支取。至屬民之善舉、約有兩等、一期益己、一期益人、年中用銀、綜計不下四五千萬、其銀皆民立會捐之。會有男者、有女者、又有小孩、及男女合作等會、各鄉各邑、無地不有焉。一爲傳教之會、不拘本國、或天下各國、延牧師詣之傳教。若其地無禮拜之堂、則本會捐金以建之。至延

聯邦志畧 上卷 四十三
牧師之費亦屬會中發給。每年凡用銀三四百萬。若他處之民有無力建堂延師者。本會亦時助之。一爲教書之會。會中延師以各國之方言文字。謄譯教書。不時刊刷印送。以期普世家置一編。每年用銀亦約三四百萬。一則勸世文會。如貧民之無力購書者。則印各種善書以送之。俾得啟其善心。年中所費數與上等。一則義學之會。如貧家幼孩。有不能延師從學者。則捐金設學以教之。有男館。有女館。大小之學兼備焉。是學惟在本國設立。他處不備。一則戒酒之會。會中設簿籍。願戒者書姓名。自明其不造。不賣。不飲之故。現通國之登名者。數

約三分之一。其他戒吸生烟者。亦復不少。總以其有傷於人也。至鴉片除用以作藥料外。聯邦全無吸食之人。一養老之會。如民中有老而無子。及寒苦無依者。不論男婦。則立此會以養之。一撫孤之會。其撫之之法。與政務所理之育嬰同。外此瞽者。聾者。跛者。啞者。各邦各邑。雖有專院養之。而民中亦各立會以助之焉。更有恤瘋之會。專司收養病癲之人。給以衣食。俾之養病。又有化罪之會。凡監中之犯人居處飲食。鮮有潔者。民則立會爲之建屋。俾各居一房。給以衣食。課以工作。不令出木屋之外。時以善言論之。往往出者皆感而爲善云。又有

防惡之會，凡有游手非爲之民，則立會養之，俾得安居以消其惡念焉。別有勸和之會，專主解紛釋怨之事，凡別國之有戰爭者，則爲之調停，以息其爭。若民有鬪者亦然。此外又有恤貧之會，如貧民之作工者，積銀若干，慮不敷用，則入銀於本會，會中存其銀，按月給厚利以補助之，俾貧民失業有所仰望焉。更有防後之會，如人在生之時，自願定二十年或三十年，量力每年能人若干銀於會，則會照收其銀，俟其人死，亦按年給付其子，以免貧乏之患焉。其他若貨船住屋，亦多有入銀防後者，倘後船沉於水，或屋遭於火等事，則會中爲之造船

建屋以補還之。如是諸會，以故我國無甚貧者，是即聯邦之諸善舉也。

天下之國，皆自以其居地風俗爲美，使移極冷之國於極熱，或移極熱者於極冷，彼必謂不如其故地也。至於新舊大小等國，亦莫不然，何哉？良以習俗慣也。予新國之民，凡聯邦之風俗人事，予能言之，至其真美與否，予未能定，請俟後之採風者評焉。顧或有謂聯邦風俗多與英同，遂有以新國爲英之第二等人者，予竊怪之。夫天下事所貴乎探本窮源者，欲知其所自出耳。今聯邦

之始其源多出於英則英母也聯邦子也焉有天下母子可以等第判乎茲試以我國之風俗人事論風俗之端本於家國蓋家者國之鏡也大則為國小則為家國之有家所以為人教養之地也故必有夫婦而後家道成譬之時辰鐘夫樞也婦紐也鐘之不能廢乎樞紐猶家之不能廢乎夫婦一夫一婦一夫彼此一體相為表裏者也世有夫婦而不知處家者當奉教書為指南斯得處家之道矣但夫婦之道必自婚禮始聯邦婚禮男子二十一歲而後娶女子十七十八而後嫁例不置妾其結婚也由男女契合自媒以主其事然後告於

新屋及馬車圖



父母以定無納采奠鴈諸儀娶之日由牧師或邑官主婚男女攜手就之主婚者當眾諭其為夫婦當相和順不得乖異之意語畢主婚者記其事於籍與之憑以為共證於是男女各離父母之家別營新居是日女家贈以粧奩等具畧如中國贈嫁之儀自後家以夫為主婦以順為正而家道從此始焉住室尚修潔粉壁光滑一望無纖塵室基甚高無下濕之患民家之屋兩層者居多室中陳設玩器皆極珍貴之物圖畫燈鏡位置悉當室之四周每面各有板簾窻扇

內安玻璃以障之。光明尤甚。日煖敞四面之窗以受風。寒則就壁生火爐。繞室帳帷幔。圍爐小坐。融融然如在春風中也。室內之地。夏鋪紋簟。冬鋪花毯。坐具各安。衲褥用物極精巧。有非言語所能述者。室外每層留遊廊。以供不時眺望之用。繞室繚以短垣。隙地植雜色花卉。四時芳香襲人。簷際懸佳鳥數種。飲啄自如。洵安居之樂境也。出遊或步。或車。惟意所適。車用一馬。兩馬。四馬不等。飲食則每日三餐。餐有定晷。食時合家男女團坐一桌。桌面以潔白桌布鋪之。陳食物於上。每位前設小盤手巾各一。以便貯菜品。暨潔手之用。食不以箸。惟用

刀叉諸器。取其爽也。早晚兩餐。皆隨意小食。不盡其量。至午後則陳飯。麵餅。茶點。果品。牛。羊。雞。鴨等肉。恣意飲啖。是為大餐。衣冠之制。男女各別。有男冠。女冠。夏製以草。冬製以毡。又高者可七八寸。以黑絨或灰色者為之。衣服無論男女。皆緊纏於身。以白為正色。男衫長不及膝。衣鈕適中。無左右衽者。下體褲脚常垂。靴履皆以皮製。女子率細腰。長裾拖地。籠罩四圍。不見行迹。意致亦翩然也。接生以醫士。嬰兒由乳媪撫養。無送禮。薙頭諸俗。于生數日。或彌月。父母命以名。名既定。至老不得更

焉。按聯邦人姓名外間有別名。彷彿中國之雅。是也。稍長。

風俗人事 四十七

教以事神之道有父母在子出必告反必面若喪禮則先以淨水沐死者著以潔白之衣以大布斂其體然後入棺停於家二三日即舉殯焉墓內以磚石圍砌墓外亦然送葬時親友皆服黑色墓上立石牌書亡者生死之日焉交友之道君民一體無貴賤之別若他國有與國政邦政交往者接待之禮與待本國同遵教書天下一家之訓也

大美聯邦志畧上卷終 則兩餐皆刺意小食不盡其量

大美聯邦志畧下卷

馬邦 畢禮遮邑裨治文撰

緬邦

按經緯度數邦南自四十二度五十七分起至北四十七度三十一分止極長之處凡四度三十四分東自六十六度五十二分起至西七十一度六分止寬處凡四度十四分凡閱是書者須以聯邦全圖與各邦圖合看便知各邦之形勢矣

初緬之地原屬於馬在二百五十七年以前歐洲人至新地者居於緬後因馬之毗理某人所并故其地遂屬馬與牛花馬洛干等地總名之曰新英繼後居



或或誤

民仍各自自治。迨前四十年庚辰三月十五日，緬民請於國政，乃得自立為邦云。邦之比及西北，與英屬加拿他交界，東北及東，與英屬紐普倫或為界，東南與南界洋海，西與西南界牛邦。計邦內之疆域與華地較，約比浙省五分之四。邦中平原之地，斷續相間，山峯錯落，各不相連。最大者名加大田，約高五百三十八丈。至論通邦之水，大率居地十分之一。邦比多河，悉會流於東之桑占河。河在英屬紐地邦中又有大河二，曰泌河。御泌諾卜斯格在邦中之東曰基河。即基泥伯在皆南入於海。湖約數百，為諸河之源。大者長百五十里，寬四十五里。邦南近海之地，平原數十里，皆沃壤，田極膏腴。海灣甚多，附邦有島數百，大小不等。其地潮漲，往往有至一二丈者。邦之近北處，又多高山，故天時甚冷。地產木，合諸土利，材木之產過半。若杉、橡等樹，皆足為架屋造船之巨料者也。故其地之船，甲乎他邦。海濱諸山，產玉及鐵，而粉石與石料尤多，以之為填街、壁基之用，甚堅美。土產之馬約四五萬，取乳之牛十四萬有奇，服役之牛凡八萬，菜牛約十三萬餘，羊四十五萬，猪五六萬。又牛、羊、油極多，五穀百果，以及蠶、桑、苧、麻，無一不備。邦中楓樹雜出，春取其汁熬之，則成糖。又產密，因養蜂之家眾也。造酒者亦不少。邦

密當作蜜

密當作蜜

之技藝以造船為最每年約成三五百隻因邦南近海
又多木料之故習貿易者無多皆以已船載客貨為業
次則捕魚者甚繁蓋海邊多島而居島之家大半業漁
也邦分十三郡首郡名基泥伯邦都基於壘額士大邑
凡三百九十有四其間大小苑圃約有九十乃牧牛馬及種花木
地之邦與郡邑各有專政如邦有郡政郡有邑政是也然自緬以
下若牛花馬洛干等六邦各政多有同者予馬之人也
請於馬邦詳言之若緬等者予姑畧之以免贅焉


牛邦

按經緯度數邦南自四十二度四十分起至北四十五度十二分止長處凡二度三十二分東自七十度四十分起至西七十二度二十八分止寬處凡一度四十八分

牛邦即牛含布什爾

按英稱郡曰什爾舊有什爾名含者故民至新地亦如其名之焉

其地先嘗屬於馬紐迨開國之際始與盟聯之十二地
同立為邦云邦之北界與英屬之加拿他相鄰東鄰緬
東南界海南鄰馬西鄰花邦以干河為界計其地之延
袤當華地浙江三分之一邦中山勢四出峯嶺連綿春
夏之交草木
暢茂青翠之
氣撲人眉宇
藹如也有名
白山者山巔
積雪凝結不



真


化每年約有十閱月，四面常白，故名。即因之。極大者曰華山，轟轟然六百二十二丈，登高一瞬，數百里之外，如在目前，嘻，亦大觀也。山谷間飛瀑之地甚多，曠野有諸小湖，以受水，山中多木石，又產鉛錫。東南近海之區，約七八十里，地皆坦平，有海灣，便於商船停泊，亦貿易之大港口也。邦中大湖，約長八十里，寬二十里，河道數十，有大河二，在邦中者曰眉河，即干河，與花界處在邦西者曰干河，即干河，與花界處在邦之中，又有多山，山以西之諸水，皆會流於干河，山以東之諸水，皆會流於眉河而入海。天時及土產材木，以及耕牛、六畜之利，多與緬同，特產參最

多，與梅邦等貿易之人，為商與捕魚者甚少，大率多以牧養牛馬為業也。邦北之民，稟清和之氣，多上壽，與緬花梅等近北之邦，往往有年過百歲者。邦分郡十，首者名眉理麥，邑凡數百，邦都之邑曰剛哥的。

花邦

按經緯度數，邦南自四十二度四十四分起，至北四十五度止，凡斜長二度十六分，東自七十一度三十四分起，至西七十三度二十六分止，寬處凡二度五十二分。

花邦即花滿的，譯言碧山也。因邦之山四時常碧，故名。其地初屬馬，繼又屬紐，後始自治。迨開國以來，乃升之為邦焉。邦北界加拿他，東界牛，南界馬，西鄰紐，以產不璉湖，交界地勢與




牛邦類惟南北微異牛北狹南寬花北寬南狹彼此相鄰幅員無甚大小邦多山有極長者自北至南連亘邦中截東西地為兩間有斷處以通往來山勢突兀多杉橡之樹飛翠欲浮終年不改名碧山夾山有諸河以洩碧山之水在東者會流於干河在西者即滙於產不璉湖湖長四百餘里寬四五十里中央有地置郡一別有小灘數十皆有居民遠岫排空綠波如畫亦水鄉中之佳境也湖中時有火船及貨船停泊邦分郡十四首者名華盛頓都邑界邦之中名滿坻理耳通邦除近湖及干河之地尚坦平餘則高下不一天時土產畧與牛同

馬邦 按經緯度數邦南自四十一度十五分起至北四十二度五十二分止東偏凡長一度三十七分東自六十九度五十四分起至西七十三度三十四分止極寬處凡三度四十分

馬邦名馬洩朱些斯 其名看上下卷民脫英

輒之篇便知其義 **當十三地同盟時馬**

與其中焉邦之北與牛花二邦為界東與東南俱鄰海南與洛干二邦交界西鄰紐地之寬廣當浙江五分之一邦中小山環列海濱一帶率平地無層巒疊嶂近西有長山自北而南迤邐直下皆由牛花二邦來脉極高



者凡三百有五丈。通邦多小河，大者曰干河，在邦中之偏西，通貫邦中，分邦為兩大分。河西有丹山者，高百二十一丈有餘。河東之山名合理約山，高八十三丈，與予所居之畢禮遮邑最近。東北又有眉河，會通諸水以入海，沿海港口，指不勝屈。附邦有小島數十，極大者容一郡之地。邦東有邑在海灣，名玳理某，即英民遷新地者，基始之區也。邦之東北有運河一，長百餘里，寬三丈，深四尺，上接眉河之水，以通邦都。故凡牛邦土產貨物，皆能源源而來。其外別有數運河，長二十里，或三十里不等。邦都又有四通八達之鐵路，以利火車往來。如在落

山以東諸邦，馬都無不能達，所以運貨物者最便焉。邦內天時清和，地氣較北方之邦稍暖。土產諸物，與上三邦同。惟地勢寬平，無磽瘠之土，頗利稼穡，故邦中多田。

按居鄉之家，有田者多，但貧富不等。一戶有至數十畝，或百畝，有多至數百，或千畝者。田中之事，大抵各家自為耕作。其不諳農務者，則有農學以教之。郡中設立農會，每歲農人畢集，以較優劣。苟有精於務農而得土產之嘉美者，則會中酬以獎之，以勵其餘。 土著之民，除業農之外，捕魚者亦

不少。至於貿易之盛，馬約得通國四分之一。工作亦推本邦為首。緣邦中之民習技藝者多也。邦分十四郡，邑

三百三十有二。邦都之名曰波士頓。

者名葉色，個斯都之西北者名玳理某，正南者名比士地。者名諾福，諾福之東南者名玳理某，正南者名比士地。

力、批、理、某、之、東、南、者、名、板、上、送、布、其、二、島、郡、者、一、曰、獨、個、斯、一、曰、南、得、吉、邦、中、之、郡、曰、物、細、送、爾、中、之、西、北、者、曰、夫、覽、吉、林、近、西、者、曰、舍、布、什、爾、中、之、西、南、者、曰、舍、布、頓、正、西、者、曰、白、個、什、爾、 邑有大小故政

亦不同。邑之大者曰鎮，事劇民繁，其政與國邦相類，姑不具論。論其小者，聯邦無論國邦郡邑，凡事皆主於民，故各邑皆有會所，以便臨期集議。年中邑民公選會長，以為主會之人。另擇一繕寫者，以書所議之事。然後公舉三四人，名曰選士，官也。邑以董邑中諸政。另擇地保數人，以襄官事。按選舉之制，有書名舉者，有以手舉者，惟視人之多者為之。皆滿一年即選代者。邑官既定，後有應行各政，則官出示於民，俾民會議以定行止。至如邑有學堂，則每年選監學者數

人以司學中諸政。如下延師以及各學之費，或某地應立學等事。若道路之事，則選監道者以主之。邑有貧苦之民，選監乏者以濟之。諸務之費，有應由邑政給者，則立科業之制以抵之。其制選立糧科數人，按民之田產家業以科之。每年每戶納銀若干，即以此為公務之費。凡為糧科者，各與以俸，是為邑政。邑之上，則有郡政。郡政者，專理民間審判之事。初十三地同盟時，每地各有郡邑。迨既立為邦，始有有邑無邑之異。無邑之政，歸郡政代理之。其制當郡治地，建審院立監獄，選設問官，以聽民訟。其一切政務，皆循例為之，與邑相類。若邦政，則自立為邦時，即預定政

體與國同。按政體即典制也。如何立法應如何行法之類。邦中正副二君

皆由通邦之民選立。選舉之制與選國君同。看建國立政篇。定例一年滿

任。輔之理者，是為議士院。馬邦院中凡八人。其法畫邦之地為八

每分公選一次之則有元老、紳董兩院。馬之元老現計

四十人，紳董現計二百四十人，皆主邦會之立法者也。

他如行法之職，除邦君議士之外，則有審院。審院之員

由邦君選派，而後謀於議士院，是院以為可，乃任之。其

為審員者，若果辦理妥協，許即終身承任，不拘年限。審

員凡三等，一為上院官六人，內擇一人為長。邦中凡有

人命及重案，則此院審之。本邦除叟福郡，每年會審兩

次，餘不過歲一審焉。次則上院官十員，分理各郡之政。

若民間有財貨結訟，及一切爭鬪之事，則此院審之。再

次則下院，每郡各專一人，以理郡民債負，暨承受遺業

分執家產等事，而是官又各有數人，相助為理，以補一

人之不足，是則邦審各官之畧也。其審案之制，各院皆

陪聽一如國官之制，看上卷理刑規制篇。邦中雜稅所入，每年凡銀二百數

十萬。如銀行年中入租銀六十萬，鐵路入租銀五萬，房

屋地租等入銀六十萬，鐵路借銀票之息約二十萬，

年中外人銀利約四十萬，又入學堂等存項之利約五

十萬。至於邦之出費，數與入等。如各官俸金，年中約用

銀五十萬。按聯邦君之俸每年不過三千五百其多寡如本官有四千五百者有或三千二千以兵勇餉銀約七萬殘

廢之會約十二萬監獄各費約五萬濟貧約二十萬學

堂約三十萬農會約二萬。以上兵餉殘廢等民間別有專款給費此特邦政相助之

也。積欠銀每年約還出七十萬貸人之銀約二十萬。按此

不過就近年而言非邦政現存銀貨等約一千三百五

十萬欠外銀約六千有四萬他如民間銀行在邦都者

現存本銀約三千五百萬外郡各銀行現存本銀約二

千八百萬。按邦都銀行每七日騰寫出入銀數清單一紙呈存邦政以備查核至若外郡則每月呈

虧贏之考也。若大銀會。此會即上卷善舉述畧篇中

存銀按月付現凡八十六會存銀之人約一百八十二

千六百五十有五銀之總數凡三千三百九十一萬之

四千九百七十一萬兩彼此相助之會凡一百五十有

六銀九百萬。此會與中國相邀之銀會同防後之會凡三十有四銀

約六百萬。此會即善舉述畧中保房保船之會也至於本邦民數據前乙

卯年核算凡三百三十二邑共一百十三萬人。按邑滿一千二百

有三百人者則設醫士法師牧師各一其大率戶口至四

五十人在三四百之數者則立一小學。小學分兩等有教終年者有

半年者教半年者分冬夏季如冬季則延男女師教小

學之外邦中幼學八百大學三又大公學三四所。大公學即

學館書籍篇中之教醫律三大學也。每年總費銀約三百萬。其各學之事

由邦之正副二君與學長八人共為一學院以理學政

之事。八人者歸二君與議士同時選定循序為長每滿一年則為長者退另選一人以補其數屆八年前一

選者俱出是為滿一任焉。總之聯邦諸政凡有關於民者其籌款等

事皆民自理之間有國政邦政經理一二者不過稍示

助民之意。譬以民勇論兵所以衛民者也。我聯邦之民

定例男子年滿十八以上者各備器械衣甲充當鄉勇

年中除訓練數日之外餘則各就本業焉。迨至年滿四十以後則聽其退若

國邦之有正兵者乃為兵勇統率之意。其他如學堂濟

貧一切皆民之事也。故民多自理之別邦同。百八十二

洛邦

按經緯度數南自四十一度十八分起至北四十二度三分止共斜長四十五分東自七十一度八分起至西七十一度五十八分止共寬五十分

洛邦即洛哀倫東與北方接連馬界西鄰干邦南連海

灣。地形偏斜大小比馬邦六分之一。邦中地平坦無高

山大河南多海港商船出入最便有紐波的海灣者直

達邦都販貨物者貿遷尤利。附邦有島島建亮樓高十

餘丈每夜燃燈數十光水相映以濟

舟人夜行之迷。按亮樓近海之邦多有不獨洛邦也。邦

內天時土產與馬之南界等。民數約

十五萬餘。邦職正副君各一元老三

十四人。按本邦三十二邑每邑公選一人為元老茲有三十四人




者因正副二君兼紳董院中凡七十二人邦費出入銀
 為元老之首領也。數每年均不過二十餘萬。工作之盛與馬相埒。邦分郡
 治五邑三十有二。首郡名普拉以登茲即邦都地也。

干邦

按經緯度數南自四十一度起至北四十二度二分止長凡一度二分
 東自七十一度四十六分起至西七十三度五十分止寬凡二度四分

干邦即干捏底格西界紐北界馬東界洛南界大海灣。
 地勢頗不平行陵谷錯落高下相間。山嶺由花邦起連
 貫馬邦延及本邦西北高者約百丈山間產銅鐵鉛俱
 備。河道數十大者界邦中名干河皆南入於海灣沿河
 地土膏腴草木暢茂春夏之交秀麗可愛。至於海灣東
 西均有港口以通出水。先是西港多石磯湍流迅急行

舟至此往往艱於進退故西港嘗有地獄門之名。近以
 法治之舟行無礙渡者頗稱便焉。邦內天時清和較馬
 畧暖貿易工作技藝一切靡不咸備。邦分郡治八都邑
 二曰哈弗的曰紐赫温通邦會議每年二次。一次都邑計
 地之廣狹畧小於花邦然民數則較盛焉。邦中有極大之學一按
 每邦均有大學但極大者不過二。一在馬都之北地名堅不列癡大
 學名哈發之學在前紐赫温名葉里亦立本邦之學在紐赫温名葉里亦
 立二百學中生徒各八百餘人蓋餘年矣。在聯邦中亦無大於此二學者也。



別尼長四十餘里寬四五里鎮十三

首者名紐約次不穀鄰次百肺祿次

阿而別尼次洛直斯德次突來耶次西里久斯次由德

改次亞斯位俄次包吉不些次阿細次陝厄答基次赫

遷鎮之小者如阿細赫遜不過七八千人若阿而別尼

百肺祿則有六七萬人不穀鄰之民約二十萬諸鎮之

中以紐約之民為最多大率六十餘萬其鎮長十三里

餘寬里許在長島之西地鄰赫遜河東岸東近東河南

連海灣東北有小河名哈蘭上通赫遜下接東河紐約

鎮適界四水之中其間街道無數橫直坦平橫路有寬

七八丈者直一望如矢房屋櫛比雲連高四五層者不

可勝數年中政務收稅約七八萬出費相等近鎮之水

俱不俱用東北有可魯敦河者遠離一百二十餘里近

以大筒引其水當鎮之中鑿大石窟以貯之別於窟旁

密安小筒枝分其水以便各街居民之用其法每戶各

止水之機需用則去機以洩之年中各家皆納水租其銀歸於政務因

取水之工浩繁凡費銀一千五百萬之多也

鳥邦按經緯度數南自三十八度五十五分起至北四十一度二十一分止計長二度二

十六分東自七十三度五十八分起至西七十五度二十九分計寬一度三十一分

鳥邦即鳥遮爾此北與東北均界紐

邦東北以赫遜河為界東南界洋海

西南界特拉華海灣西鄰邊邦地寬

狹類於馬邦西北山嶺較多皆押山




之支木石叢生。東南間有小山，沿海一帶皆沙漠之地，種植不蕃，惟邦中尚肥美，土產類聚。東北接連赫河，有大海灣，與西南之特灣，均為貿易港口。河道之源，多半歸海，大者名特河，在邦西，地氣稍煖於干。郡分二十，邑百九十餘，邦都名突連登。政治邦君一，無正副之分，三年一任。元老二十一，任與邦君同，紳董六十，率一年更替。審院與馬邦同，分三等，大院七人，院長由君與元老選定，任七年，餘六人者各六年，每年有滿者出，則入一人以補之。俸金以日計，每員一日受洋五元。上院者亦七人，任與大院同。下院之員，滿三年則另選焉。

邊邦

按經緯度數南自三十九度四十三分起，至北四十二度止，計長二度十七分，東自七十四度四十分起，至西八十度三十六分止，計寬五度五十六分。

邊邦即邊西威業，譯即邊氏林野也。其原見上卷。開國原始篇。邦北界紐，東接烏，南鄰特瑪，費三邦，西界呵海呵。疆域比紐畧小，具長方形。其中長山峻嶺，不下數支，皆自東北而貫西南，分邦地為三分。東西兩分多平原，惟中央山嶺之區，高下不一。地土通邦皆嘉美。大河有二，一曰特拉華，一曰色斯貴哈拿，其餘小河運河，各處相通。天時無酷冷，亦無酷熱。土



產雜穀等類莫不各極其良而煤鐵則尤為最多計聯邦之所出本邦居大半焉

按邦中西之山皆產煤分數等居民洞山為穴以便

販者火車出入販者自山載煤運達埠頭毫不勞力加以價值又廉故販往各國者甚眾考之前二年本山煤五百斤值銀二兩而來自中國之上海之江蘇者竟售至十五兩一擔今年復買十二兩一擔其利甚厚吾知其源無已也

至若貿易工作農藝一切皆與別邦等邦分

六十三郡邑約數百邦都之名曰哈力斯帛鎮之最繁者曰費勒特費其鎮東界特河西連斯古結勒河離鎮

南行六十里即二河合流之處但鎮之左右雖近二河

然水多不適用居民類皆埋置通管引取遠水為用

之法詳鎮中街道一切多與紐約鎮相等而寬廣遜之

特邦

按經緯度數南自三十八度二十八分起至北三十九度四十七分止計長一度十九分東自七十四度五十六分起至西七十五度四十六分止計寬五十分

特即特拉華邦當前二百五十餘年為費之長官特拉

華者所得故以其名名之地界北連邊東北近鳥邦以

海灣為界東接洋海南與西均界瑪邦地勢大於洛約

一半之地惟民數則較少焉通邦

原野坦平無高山大河所有小河

數支其源皆入於海與海灣地氣

同邊鳥二邦餘類別邦郡治三鎮

邑二十有六都邑曰士花邦君之任滿四年一易是邦

地雖狹隘然其政治教化則與別邦無異云



瑪邦

按經緯度數南自三十八度起至北三十九度四十三分止計長一度四十三分東自七十五度四分起至西七十九度三十三分止寬處凡四度二十九分

瑪邦即瑪理關

命名之意見上卷開國原始篇

北界邊邦東界特拉華

與洋海南與西均界費邦地比邊邦不過四分之一但

較花界為稍大耳西北一帶山嶺疊出東南皆平地中

有遮西壁大灣直貫邦中界邦為兩灣寬六七十里長

五百餘里偏西有婆多麥大河即與費邦分界之河跨

河有地曰科倫布亞者係本邦與費人公輸之地是為

國都圖載上卷邦邦內天時地利均屬中和土產咸備

山嶺間有煤石民數六十餘萬郡治二十邦都曰安拿

波列斯通邦最大之鎮曰巴里底莫在遮西壁灣之西

地四方每方約十二里鐵路甚多各邦皆通商旅來往

最為便捷以故戶口貿易極屬繁盛本鎮又有快船一

種駛行甚疾遠近人皆耳其名曰巴里底莫飛船

按聯邦極

大之鎮除紐約外次為費政治邦君一四年一任元老

二十二任任與邦君同惟屆二年則一班


出一班入焉紳董七十四人任二年俸金

與元老同每員一日銀四元外路三十里

另加費一元亦同元老至若邦君死則歸

元老之長代理設亦不終則紳董之長理

之審官由民選邦會兩年集議一次大學



十三、為師者九十八人、每年凡費銀十有二萬。考之前百三十年、有洋教會二百餘人、被歐洲驅逐、來居本邦、其後從者幾過大半、然至於今、亦不過十之一矣。

費邦

按經緯度數南自三十六度三十分起、至北三十九度四十三分止、長三度十分、三分、東自七十五度十分起、至西八十三度三十三分止、計寬八度二十三分。

費邦即費爾治尼亞、乃英人讚美王后之意。

詳上卷開國原始篇。

其地北界邊瑪二邦、東接瑪邦與洋海、南連諾典二邦、西界建呵二邦、當邦之西北角、另有狹長餘地、與西界相連、長不過一度之地、東鄰邊邦、西以呵河為界。

計自三十一

九度四十三分、長至四十分止。疆域與新英之全地等。地分四分、

東分近海容三十六郡、皆沙土之地。過此則為傍山之

地。此分內容三十三郡、多平原。有開國者華君之居室

在焉。名瞞第飛嫩去國都以南約四十五里、當婆多麥

河之西

按此地乃華君居室墳墓所在、現聯邦國人思其遺愛、恐其日久荒廢、凡國中婦女各出已銀、捐買其地、不時修理、以為前賢遺跡、暨後人懷古之地云。中分有長嶺、上自東北接

貫西南、其間陵谷之區、類皆沃壤、容十九郡、向西之分

亦屬平地、較東三分之地、為更寬容四十九郡、邦中大

河二、曰婆多麥、曰呵海呵、別有諸小河、計

在山東者、皆入源於海、山西者、皆會注於

呵河、另有數鹹泉、終年不竭、是為鹽水發

源之處、地利五金俱備、而金為盛、煤鹽亦



多。土產五穀百果棉花、麻等，無不蕃生。烟草每年約出六百萬斤。據前十年清查戶冊，民數約一百五十萬，內白人凡八十九萬四千八百餘，黑人凡五十二萬六千八百餘。按黑人之自主者，不過五萬四千三百餘，其為奴者，則有四十七萬二千五百餘之多也。綜計四分郡治，凡一百三十有七，邦都曰理治門的，在占士河之旁，與東分之地相近。

諾邦

按經緯度數南自三十三度五十分起，至北三十六度三十分止，計長二度四十分，東自七十五度二十五分起，至西八十四度三十分止，計寬九度五分。

諾邦，即諾格阿利納諾之云者，譯言北也。初歐洲人來是地，因其王名格阿利，遂以王名名之。本無南北之分。

迨前之百餘年，截地為二，始分為諾叟二邦。云叟者，言南也。地界北連費邦，東與東南俱界海，南接叟卓二邦，西鄰典邦。地之大小畧遜於費，計分費地為六分，花邦不過六分之一。本邦約得其五大率，比福建省為稍小焉。邦內地土不一，應就地勢分為三分。西分山峯羅列，高者六七百丈，陵谷甚多。中分平原遼闊，極為佳壤。惟東分近海三四百里一帶，地形汗下，類多停潦之區，水草叢生，民居不便。濱海小島環峙，截水成數海灣，然皆不甚深，商船罕有至者。邦之東北有大河，曰羅暗鄂，其源入於亞壁麻。



爾大灣。又有大爾、孛士、結比、非耳諸河，皆南入於洋海。地氣除海濱水潦之地，濕氣甚重，餘則溫和。民數凡八十六萬九千餘，內白人五十五萬三千，黑人三十一萬六千餘，其中黑人之自主者二萬七千四百，為奴者二十八萬八千五百餘。地利多松木，又多松香、金、銅、鐵、煤俱備。農圃所出，稻、麥、秫、米、烟草、山芋、絲、麻等，皆饒裕。貿易工作，大畧同別邦。政治為邦君者，由公室選舉，屆兩年一次。元老五十人，公室之員一百二十，即紳董也。郡分七十九都邑，曰老里，在邦中，近東流之孛士河，居民不甚稠密。

雙邦

按經緯度數南自三十二度四分起，至北三十五度十二分止，計長三度八分。東自七十八度二十五分起，至西八十三度十九分止，計寬四度五十四分。

雙邦即雙格阿利納，言南之格阿利納也。北界諾東與南俱界海，西界卓邦。地類三角形，比緬邦微小，約抵山東省一半之地。地勢高下，與地氣之燥濕均同諾邦。西接諾邦之嶺，高者凡四百餘丈，土內間產五金，但不甚多，故民不大檢之。迤東一帶多海灣，大比底、小比底二河，其源皆合流於此。至於邦中之散底河，與西界之颯番拿大河，則又南行而注於海。邦中農圃最佳，所產稻穀、棉花均為聯邦中之極好者，餘與諾同。民數凡六十六萬八千五百餘，內



白人二十七萬四千五百，黑人三十九萬三千九百餘，其中黑人之自主者八千九百六十人，為奴者凡三十八萬四千九百八十餘云。政治，邦之正副二君，概由元老紳董會選，二年一次。元老四十五人，任四年，每屆二年，則上班出而更下班焉。紳董一百二十四人，任與邦君同。郡分二十九都邑，曰科倫布亞，在散底河之北支，曰堪厄里河之旁，邑之最大者曰查爾士頓，近海灣，乃通邦貿易湊集之處，為前一百八十年居於是地者所築。初本邦與諾邦俱屬於費，迨後分地自治，始不相屬。格阿利王遂以諾叟二地賜國后云。事在前三十年。

上曰字恐在字之誤

卓邦

按經緯度數南自三十度二十二分起至北三十五度止計長四度三十八分東自八十度四十八分起至西八十五度四十分止計寬四度五十二分

卓邦即卓爾治亞。其界北鄰典諾二邦，東北連叟邦，東與東南俱界海南鄰福邦，西鄰雅邦。地比費邦微小，畧大於直隸省。邦中地面亦分三分，與叟邦同。押利結尼山之旁支，斜貫邊瑪費諸邦而來者，入本邦之西分而盡。山間有石洞，高數丈，望之泠泠然有流水焉。好事者結筏而入，深歷十餘里，則瀑布飛下，不可復進矣。中分悉平地，惟邦東近海之處，沙土相雜，不時泥濘，頗艱於行。所有颯番拿大河與呵結治亞拉打麻哈二河，皆歸注於各海灣。地



氣暖於諾叟二邦西分間產五金煤石但開採不便故民不甚屬意焉農家所出豆麥秣米絲麻烟草棉花山芋糖為最多工作貿易同諾叟二邦民數據前十年核算共有九十萬六千一百餘內白人五十二萬一千五百黑人三十八萬四千六百餘其間黑人之自主者凡二千九百人為奴者凡三十八萬餘邦內分九十五郡都曰密理治威里最大之邑曰颯番拿離颯河之口約遠五十餘里云

考十三地盟聯之始卓邦為最小其時聯邦以西諸地或屬別國或屬荒野類皆獸蹄鳥跡人烟稀少之區然不數十年後所謂諸地者俱屬於聯邦人丁之旺財利之富蔑無以加噫抑何興之勃也

幾字恐衍

二十福邦

按經緯度數南自二十四度三十分起至北三十一度止長六度三十分東自八十度起至西八十七度四十五分止寬七度四十五分

福邦即福落里得北界雅卓二邦東界海南接墨是科


海灣西鄰雅邦地形斜長有如曲尺

按直處長六度三十分寬不過三百

里東南西北皆鄰海橫處自東至西寬七度四十分

便明四幅員大於

卓邦較直隸省之地稍廣乃聯邦中極南之邦通邦皆坦平惟迤東一帶與邦南悉水潦之區以近海故也濱海水甚淺邦東之桑占河與邦中之蘇華尼亞




把拉基哥拉等河皆散注於沿海各灣別有小河小湖甚多地氣在聯邦為極煖之處土地所產以農圃為最凡雜穀棉花絲麻等莫不嘉美工作不甚多貿易較盛緣邦地大半近海商船最便於來往也民數凡八萬七千四百餘人內白人四萬七千二百黑人四萬三百餘丁其間為奴者三萬九千三百自主者不過九百餘人而已邦中正副二君蒞任四年則避位另從民選郡治二十八都曰打拉哈西考開國之時是地尚屬於士班雅國迨前四十年始為聯邦所得然居民尚少洎乎前之丁巳年乃陞為邦焉

雅邦

按經緯度數南自三十一度十分起至北三十五度止計長四度五十分東自八十四度五十三分起至西八十八度三十分止寬三度三十七分

雅邦即雅拉巴麻前六十年與密邦同為聯邦屬地迨前四十餘年始各由部而陞為邦焉地界北連典東鄰卓南接福邦與墨灣西界密邦地勢長方形大小同諾邦西北有長嶺高者約百餘丈乃押山之尾支入本邦而盡者山產煤鐵然民不甚採之邦中之河皆貫邦南流大河名雅拉巴麻其源注於磨庇理海灣地氣向南極暖通邦皆膏腴之壤所產多五穀百果而棉花稻米以及鹽糖則又最盛焉工作無多貿易以棉花為重皆由磨庇理灣出



洋。按聯邦通國所出棉花民數計七十七萬一千六百

餘內白人四十二萬六千，黑人三十四萬五千一百，其

間黑人之自主者二千二百餘，為奴者凡三十四萬二

千八百之數。郡五十二，分兩分，南地者郡三十四，北地

者郡十八。都曰滿恩米力，邑之繁盛者名磨庇理，在海

灣之旁，但灣中之水甚不適用，邑民皆仿紐約費勒特

費二鎮之法，引取遠水云。

密邦

按經緯度數南自三十度十分起，至北三十五度止，計長四度五十分，東自八十八度十二分起，至西九十一度三十六分止，計寬三度二十四分。

密邦即名密斯昔比者，其地北界典邦，東連雅邦，南接

墨灣與祿邦，西鄰祿耳二邦，以密河為界，地之寬廣與

紐邦同，形如鋸刃，緣密河之曲折多也。通邦坦平，河道

頗不少，大者即密河，在邦界中，沿流直上，凡長千數百

里。邦之東北地勢微高，故邦內之水，有東下而入於雅

邦者，有西下而入於密河者，惟邦中之水，則直注於南

界之墨灣。地土除近密河之處，年中間有水患，餘悉沃

壤。氣候之寒暑與雅邦相似。土產多稻、麥、絲、麻、林、米、山

芋、棉花、糖等物。貿易惟在本邦，罕有外

販者。民數總計六十萬六千五百餘，內

白人二十九萬五千七百，黑人共有三

十一萬八百人，其間自主者九百三十，為奴者凡三十



萬九千八百餘。邦內計五十九郡，分兩分。在南者郡三十有六，在北者郡二十有三。都曰查克遜，在比爾里之西。譯即珠江也。商賈叢聚之邑曰納栢士，與密河相近。火船商舶往來販運，稱極便焉。

祿邦

按經緯度數，南自二十八度五十五分起，至北三十三度止，計長四度五分。東自八十八度四十分起，至西九十四度二十三分止，計寬五度四十三分。

祿邦即祿細亞那。北界耳密二邦，東界密邦與墨灣，南亦接墨灣，西鄰德邦。地比邊邦微小，較浙江省又加大焉。通邦地面坦平，西北畧高，東南與近南一帶半為積潦之地，附邦之東南多小島。邦內河湖甚多，大者為密河，又有捏的譯紅河與華世大二河，俱合流於密河。近密

河之處，地勢低於西北約一二十丈，河道多半高於地面，故當密河氾濫時，常有水患。地較南於密雅等邦，而寒過之。土產煤、鐵、鹽、石膏等物。農圃之利，有雜穀、秣米、烟草、棉花、糖、無花果等。工作貿易，與鄰邦同。民數五十一萬七千七百六十，內白人二十五萬五千四百餘，黑人二十六萬二千二百餘。其間黑人之自主者一萬七千四百六十，為奴者二十四萬四千八百餘人。邦分四十七教道。按教道即郡也，因是地先為洋教人所居，故有是名。後歸聯邦。遂仍都之所在曰巴安祿施，商賈聚集之邑。曰紐呵連尼斯，在密河之旁，貿易與諸



大鎮相等。初凡在密河以西，落機山以東諸地，除德邦屬墨是科國，餘皆為歐洲人所據。繼後歸於法國。前之五十八年，聯邦乃以銀二千萬餘購之。於是落山以東者，皆聯邦之地矣。遂於前五十年立本邦為部。越一年乃陞之為邦焉。

德邦

按經緯度數南自二十五度四十五分起，至北三十六度三十分止，計長十度四十五分。東自九十三度三十分起，至西一百六度四十五分止，計寬十三度十五分。

德邦即德過瑟斯。當二十五年以前，原屬墨是科國。迨二十五年始畫地自立。越一年乃入聯邦。於是立之為部。繼復陞為邦焉。地界北連印甸，東北接耳邦，東近祿邦，東南界墨灣，南與西南接墨是科國，西連爾柳二部。

地合祿密雅卓福五邦之疆域畧小而直隸省則又不及本邦四分之一焉。地勢東南近海一帶較低，過此則為平原，再過至於西北則多落山之支，地微高。山產金銀銅鐵鉛及各種大木皆備。至於水道則邦中甚多，販運最便。河之大者有理呵骨關、理呵牛齊斯、哥羅拉度、比捏蘇、替里尼底些、比理捏的等河。別有諸小河，類皆自西北流注東南之海灣。其水間有可以作鹽者，或作藥者。地氣因邦域甚廣，故各方之寒煖互異。土產五穀、百果、棉花、烟草、絲。



蘇糖等物極爲繁盛。民數二十一萬二千五百餘。內白人十五萬四千餘。黑人凡五萬八千。其間黑人之自主者約四百。爲奴者五萬八千一百餘人。此前十年之數也。前五年再核則多至四十八萬有奇之數。外有別國之人來寄居者則不可勝數。然以歐洲人爲最多。邦內之地總計立爲郡者數凡八十。其餘野地尙多。均在邦之西偏。因戶口不繁故猶未能成郡云。邦都曰奧士定。距墨是科海灣尙七百餘里。在哥羅拉度河之東。

耳邦

按經緯度數南自三十三度起至北三十六度三十分止計長三度三十分。東自八十九度四十分起至西九十四度四十二分止計寬五度二分。

耳邦即耳剛色斯。其地北界默東鄰典密二邦南接祿


邦西南連德邦西鄰印甸土人地疆域大於直隸省而比雅邦微小焉。地勢邦西畧高東界殊卑下。每年密河漲漫時恒爲水患所苦。東北有數小湖近湖一帶悉爲水潦之地民居頗爲不便。邦中小山羅列峯嶺相望。但高者皆不過二十丈。山多木又多飛禽野獸間產煤石五金等民以取之不便故皆未經開採焉。其上別有熱泉數十處泉水率作硫磺氣可作藥用。邦內河之極大者即密河在邦東又有自西阻東橫貫邦中入於密河者是爲耳剛色斯河其名回的者譯即白河也。



地氣西北冷於東南。貿易均出本邦。罕與外交通。邦無銀鋪。因邦政先會開設銀鋪。後以虧本故。不准民再立矣。農圃最盛。居民務者約四分之三。土產多牛馬羊豕雞鴨。五穀秣米棉花山芋糖鹽等。民數二十一萬九千八百餘。內白人十六萬二千一百。黑人四萬七千餘。郡分五十一。都曰歷地洛克。在耳河之南。

典邦按經緯度數。南自三十五度起。至北三十六度三十五分止。計長一度三十五分。東自八十一度三十七分起。至西九十度二十八分止。計寬八度五十一分。

典邦即典捏西。前六十年立為邦。北界與建費為鄰。東東南界諾邦。南接卓雅密三邦。西連耳。西北界默邦。地面南北短而東西長。西北與東南二角微缺。西南與東北二角微長。成斜方形。約比邊紐二邦畧小。然大於浙省焉。地勢多山嶺。故通邦之地。皆一起一落。高下相間。邦之東有押山數支。皆自東北斜貫南方。又有干布關的山。亦自東北貫至南方。俱蜿蜒數百餘里。上多洞穴。或探之。有深入至三四十里者。山間之地。多平陵大谷。地產五金煤石。又多大木。及造屋之石。間有藥泉。飲其水。謂能去病云。至於水道。則西有密河。北有干布關的河。邦中又有大河。自干布關的山之東北發源。南經雅邦。復由雅之西北回貫本邦。與干布關的同注於呵河者。



則典捏西河也。地氣寒暑均平。貿易工作農圃土產等。均與聯盟諸邦大畧相同。民數共一百萬二千七百餘人。內白人七十五萬六千八百。黑人二十四萬五千八百餘。其間黑人之自主者。不過六千四百人。而為奴者。則二十三萬九千四百餘也。郡共七十九。計在干布蘭的山之東者二十有八。在邦之中者三十有二。在西分者凡十九郡。都曰那是越里。在干布蘭的河之南。

建邦

按經緯度數南自三十六度三十分起。至北三十九度六分止。計長二度三十六分。東自八十二度二分起。至西八十九度四十分止。計寬七度三十八分。

建邦即建德基其界北連音呵三邦。東鄰費邦。南接典邦。西界默伊二邦。約比緬邦微大。而小於浙省。地面平

衍處居多。邦東有干布倫的山斜亘東南。下接典邦。邦之北境一帶。離呵河數十里。另有無數小山排列。皆不甚高。地有五金。民不嘗採之。又產木與煤石。山間多鹹水藥水之泉。洞穴比典邦更多。別有一洞。春夏之間。風由外入。秋來則風自內出。至其深淺。頗難窮究。昔人有入之者。據云行五十里。不盡而返。邦中小河甚多。大者曰呵河。由邦之東北。沿邦西流。下通密河。以為呵音伊三邦分界之限。凡邦中之干布倫的河。典河。及諸小河。皆入之。地氣當聯邦南北之中。故溫和為最。田土皆肥沃。



所產若秣米、烟草、蔴、苧等極盛，而五穀更蕃。貿易均在邦內販運，鮮有外出者。考前五年之民數，計凡一百一十萬人，內白人八十萬餘，黑人之自主者十萬有奇，餘則盡奴僕，數約二十萬。邦分百郡，都曰佛蘭飛的，邑之大者曰慮士威里，在呵河之南。政治，邦君正副各一，由民選，任均四年，滿則別舉，無連任之例。若正君立一二年病故，則聽民

另選，若在三四十年病故，則副君代之。或副君亦故，則元老之長代之。元老凡三十八人，任與君同，紳董一百，皆任兩年。邦政集議，每二年一次焉。

呵邦

按經緯度數，南自三十八度二十四分起，至北四十二度止，計長三度三十六分，東自八十度三十四分起，至西八十四度四十二分止，計寬四度八分。

呵邦即呵海呵。當聯邦開國時，尚屬野地，後十餘年始

有往居之者。迨前五十九年，乃立為邦焉。其界北接米邦，又連衣湖，東鄰邊費二邦，南界建邦，西並音邦。地大於浙省而小於祿邦。形類方正，但東南一角微缺。邦北有衣里湖，南有呵海呵大河，近河湖之地，皆一望坦平。惟邦中岡阜相接，地形隆起，故邦北之諸河，皆分入於衣湖。邦南之河，若穆士敬翁、西呵度、米亞密等，皆分入於呵河。地氣比邊邦之東境稍暖。邦東地土產煤、鐵及林木甚多，又有鹹泉、鹽井等。井之深者可七八十丈。

農圃極佳，秣米及綿羊毛所出最多。工作貿易亦頗繁盛。邦中大學、醫館以及養贍



聾啞目盲各殘廢之仁會無不全備畧如紐馬等邦民
 數據前五年凡二百三十一萬餘郡分八十七邦都曰
 科倫布在西呵度河之東鎮之大者名津津拉地言西
 之美而大也在西南呵河之岸蓋在聯邦中分密河谷
 之諸邦中其鎮多而且大者要當推是邦為首焉

考聯邦立國之始諸邦皆有屬地在呵河以西如音呵
 伊等是也其時戰爭未息需費尙多公議各輸屬地於
 國凡有欲是地者入銀於國以購之以抵兵費之用於
 是定例居其地者民數額滿准其自立為邦同與盟會
 如呵邦者其最先自立者也

米邦

按經緯度數南自四十一度四十分起至北四十七度四十分止計長六
 度東自八十二度二十五分起至西九十度三十四分止計寬八度九分

米邦即米世幹北界蘇湖東界休倫衣里等湖南連呵
 音二邦西鄰威邦以米湖為界地處四大湖之間水面
 與陸路幾相埒大率分邦為九分水得三分有奇約稍
 小於浙省之界地得五分有奇約比福建微大若在聯
 邦中相較不過稍大於耳邦然綜其水陸而論可以合
 江蘇安徽之地相比焉地勢為湖所阻
 截然中斷南地皆屬平原北地間有小
 山高者不過二十丈山有鹽井又有藥
 泉地土多沙礫產銅鐵而銅之多頗以




是邦為最。邦中小河不少，均散入於諸大湖。湖之各種魚鳥，生育極蕃。農圃所出，五穀亦佳。民數凡四十萬。郡六十四，都曰覽星邑。之大者名地推來耶。在邦之東南。休衣二湖之間，貿易甚為繁富。政治，邦君一，副君一，元老三十二，紳董七十二人，均係兩年一選。他如學堂、仁會等，皆同呵邦。初來是地者，在前之二百五十年時，以法人為最先。越百年，法之洋教人至者日眾，於是始建地推來耶鎮而居之。迨前九十七年，英人復驅而得之。洎乎聯邦開國，始屬聯邦，然猶是部也。前二十四年，乃陞之為邦。

音邦

按經緯度數，南自三十七度五十一分起，至北四十一度四十六分止，計長三度五十五分。東自八十四度四十九分起，至西八十八度二分止，計寬三度十三分。

音邦即音地亞那，前四十五年始為邦。北界米邦與米湖，東鄰呵邦，南接建邦，西連伊邦。地比緬邦稍大而小於浙省。邦內無崇山峻嶺，不過畧有小山，山產煤鐵，多木，若松、杉、橡、楓、榆、木棉等樹，多有之，兼有鹹泉。西北小湖甚多，與湖廣之地相彷彿。其大者曰海驪湖，是處地土微卑濕。邦中有華帕是河，由東貫西，以為與伊邦交界之處。又南有呵河，皆為本邦最便之水道。近華呵二河之地，地勢悉坦平，蓋沃土也。至其天時寒暑，類同呵邦。貿易工作



不大繁盛。務農之家極眾，多桃、梅、蘋果、葡萄、核桃。諸佳果又廣畜牛、馬、禽、獸等。按前五年核之，馬騾凡三十餘萬，牛八十萬，羊九十餘萬，猪凡

五百七十萬。其民數約一百十九萬丁。邦分九十一郡，多鎮

邑。都曰音地亞那波列士。音地亞那者，印度也。波列士者，

都也。音地亞那之都也。又有謂是都為鐵路之總會者，言各邦之

火車皆須會聚於此也。蓋都中多鐵路，計凡八條。都東

喇那之地，列頓約長三百餘里，東南者通津地，約

三百三十里，都之南者鐵路有二，一通馬地，約

六十里，一通費爾孫威里，西北者通拉非邑，約

十餘里，都北者通皮魯，約二百二十里，總計密河以東

之諸邦，凡商民來往貨物出入，未有不曾於是都者，蓋

是都乃據諸鐵路之要云。至密河以西之鐵路，方經創

始，故不具論。政治，邦君二元，老五十，紳董一百餘，如學

堂、仁會等，皆與呵海呵之畧同。

伊邦，即伊利那倚前二十三年始繼呵音之後而為邦。

其界北與威接，東北連米湖，東鄰音邦，東南界建邦，西

南與西鄰默愛二邦。地之大小同山西省，約比米邦微


隘。邦之西有密河，東南有華帕是河，邦

中又有伊利那倚，格斯格亞等，暨

諸小河，悉各隨地勢，順流下注，故有北

伊邦

按經緯度數，南自三十七度起，至北四十二度三十分止，計長五度三十分，東自八十七度四十九分起，至西九十一度二十八分止，寬三度三十九分。



入米湖者，又有西入密河，而東入華帕是者，皆緣邦中之地，多小山以間之也。山產銅、鐵、煤，及各佳木，而鉛為最多，鉛之所曰厄里納，工作亦以採鉛為盛，蓋取之不盡，用之不竭云。習商賈者，多與外邦相交易。田土極膏腴，地氣無嚴寒酷暑。土產山芋、秫米、稻、麥、葡萄，及各種佳果等，又多飛禽野獸，民數凡一百二十四萬餘。郡分九十九，邦都曰士兵非里。今年辛酉，聯邦所選之國君，姓林根者，即是邦都邑之人也。邦多邑，鎮其最大者曰市高俄，在邦東北米湖之岸。鎮四方，街道頗稠密而寬廣。當鎮之中，有小河一條，長四五里，深十餘丈，上連米湖，下分兩支，一出鎮南，一出

鎮北，商販之船往來不絕。又鐵路甚多，火車尤便，是地貿易之盛，宛與漢口鎮相彷彿。按鎮中居民，考前二十年，不過五千人，越五年，則一萬二千，又五年，則二萬八千，再則八萬，今乃十萬有餘，其生聚之盛，可想見矣。

默邦，即默疏理，前四十年始升部為邦。地之北與愛邦相連，東接伊邦，東南建邦，南鄰耳邦，西南近印甸地，西

齊剛部，西北界拿部。地較大於山東，而比緬邦約寬一倍焉。邦中小山頗不少，惟西南有嶺一條，較諸山略高，名呵撒。克山山地多木石，及各種佳果，又產銀。



鉛銅鐵煤等。邦中小河不勝縷述。其大者則邦東之密河與密河西支之默疏理河。默疏理者多泥之意。言其河水混濁故以泥河名之。

也。是河比密河更寬。由聯邦之西北落機山發源。流經

萬里而貫本邦。邦中小河皆入之。東南一帶微有水潦

之區。地氣通邦和平。工作民不甚務。貿易同鄰邦。土產

有稻麥秣芋蕪苧等。民數八十三萬餘。內有黑人約十

萬。其為奴者八萬有奇。按默部未入聯邦以前。國會建

分以南之地。用奴者聽其在是。度以北有犯制者。咸勿

準。是時默邦始與盟會。而有奴僕。若許故國政力爭之。

然。而默邦不能改也。彼此執議數年。始創一約曰除默

邦外。自後再有入聯邦者。必遵前制。有以默邦為例者。

是必勿納。于默疏理相準之法。名邦分一百郡。都曰遮費爾

岸在默疏理流入密河以下之地。

孫在邦中。當默河之南。其大鎮曰桑路斯。鄰密河之西

愛邦

按經緯度數。南自四十度四十分起。至北四十三度三十分止。計長二度五十分。東自九十度十二分起。至西九十六度五十三分止。計寬六度四十一分。

愛邦即愛約娃。前十五年始立為邦。其界北與梅鄰。東

界威伊二邦。南界默邦。西界拿第兩部。幅員約與雅邦


諾邦同。而微小於福建。地勢較平原略高。倏凹倏凸。仿

佛岡陵相接之勢。邦之東西各有大河。東

曰密河。西曰默河。即與鄰近邦部分界之

處。邦內另有無數小河。河流各分東西。西

地較高。又與默河相近。故流於西南之諸



河形勢多短促流於東南者河道頗迂遠其最著者曰弟磨尼斯及愛約娃等河皆會歸於密河諸河之岸地土肥潤林木秀美曠野之區無樹木多茂草足供遊牧與威邦同地利五金煤石俱全而鐵為至盛氣候寒暑與音呵相類而寒於默邦土產稻麥秫芋各雜穀及絲蘇果實等貿易不出本邦多以土產相交易民數據前十年約二十萬前四年則五十一萬矣按內有自客地來移居者如新英之民約二萬餘邊費等邦者約八萬聯邦之南地者約二萬鄰邦者約二十萬外國來居者如日耳曼荷蘭之人約三萬英人約三萬瑞威人三千法蘭人二千餘其他別國之人約一萬而本邦之民不過十萬有奇蓋凡新立之邦地廣人稀類多如此也統計男丁凡二十七萬女丁凡二

十四萬戶口約八萬之數邦分郡四十有九都曰弟磨尼斯最大之鎮曰度卜克在邦之東北隅約離密河之西岸不遠云

威邦

按經緯度數南自四十二度三十分起至北四十六度五十八分止計長四度二十八分東自八十四度八分起至西九十二度五十四分止計寬八度四十六分

威邦即威仕幹清前十五年始陞為邦北界蘇湖與米邦東界米湖南界伊邦西南愛邦西界梅邦疆域比雅耳等邦畧大彷彿中華之福建省地勢層次隆起作覆釜形西北一帶地微高亢然小湖甚多邦內又有小嶺數條勢亦蜿蜒水道邦中河湖最多北有蘇湖北方之諸河入



之東有米湖東方之諸河及直壁洼河入之西有密河
 邦中之威仕幹清河等入之諸小湖中以威尼輩俄湖
 為稍大通邦水色無論河湖皆清澄可愛氣候極平和
 地利產銅鐵鉛煤石膏大木等及農圃之屬貿易均在
 本境民數據前五年凡五十有五萬郡分三十一按本
 邦曠土尚多以居民稀少故未立為郡云邦都曰馬地遜在四湖之中蓋都
 之四面各有小湖也其鎮之大者曰密華基在米河之
 西岸初聯邦之人居是地不過三十年前二十年核之
 民數二千人後十年則多至二萬前五年乃三萬矣他
 鎮相類

梅邦

按經緯度數南自四十三度三十分起至北四十九度止計長五度三十分東自八十九度三十分起至西九十七度二十分止計寬七度五十分

梅邦即梅尼所達前戊午年始陞為邦梅尼者譯言水
 也所達者譯言天青也言是邦之水色有如天青故取
 以名邦也其界北連英之屬地東鄰蘇湖與威邦南接
 愛邦西界弟部地土之大同廣西與江西省約合諾叟
 二邦之地地勢當邦中偏西之地極高以較墨灣之海
 面凡高二百餘丈邦北與西山嶺甚多皆
 高平如原邦中一帶亦多平地然有湖無
 數大小不等類皆有小河以相貫通畧如
 串珠之式其最大者曰紅湖又東北有林



湖半屬英地半屬聯邦諸湖皆多魚與水鳥有名倚答士克湖者乃密河之源其源由邦中透迤而東以次南流至海凡長七八千里按密河在邦境中沿流約二千四百餘里蓋在桑安多尼瀑布之上者凡一千八百里在瀑布以下者六百餘里邦東之小河皆入之邦東北之水另分入於蘇湖以次至於東海其源約長八九千里邦西又有諾捏的大河意即北紅河也其源亦自邦內北流至英之屬地長亦五六千里邦西之諸河入之按密河與北紅河發源之處相距不過數里但不相通問有以人力舁小舟過此則較為便云邦中別有梅尼所達河

長約與邦內之密河等西界又有壁格素等河意即大素河也即與弟部分界之處通邦地土多沙石林木皆生於濱水諸地其他曠野之處惟草最茂一望無際邦內有瀑布甚耐觀瞻名梅尼哈哈譯言水笑也地氣甚冷河冰凝結半年始解然雨雪最少土產五穀百果皆備而野米至多山嶺之間產銅鐵鉛煤野獸等又其地有一種紅泥可作陶器據前十年民數不過六千前五年乃有七萬前三年則十六萬考是邦向有印甸土人近被聯邦教化亦能讀書務農為聯邦之良民矣邦內除未立郡之野地外現分五十三郡邦都曰桑保羅在密河之

東岸桑安多尼之南五十里沿密河一帶有數鎮又邦之西北與英地分界之處有鎮一曰便比納乃前數十年英之侯爵瑟克爾格者所得其鎮居民約一千五百皆土人貿易或以獸皮或五穀等出入駕車皆以犬代政治邦內正副君主各一每任二年元老三十七人紳董八十人餘如審判等官皆與新英各邦略同。

附 弟部

按經緯度數南自四十二度三十分起至北四十九度止計長六度三十分東自九十六度三十分起至西百三十三度三十二分止計寬七度二分

弟部即弟哥達

按稱部者所以有別乎邦也邦之分乃視民之多寡為斷民多者陞為邦政

皆自立民少者立為部政事一切皆國政遣官理之故曰部也

北界英之屬地東鄰梅


愛二邦南與西均界拿部地土約合費諾二邦之大比

於華之江蘇安徽省焉部中山嶺最多東有諾捏的及壁格素河即與梅邦分界之限西又有默疏理河販運甚便其餘土產一切略如梅邦按是部原屬梅地因梅於戊午年既陞為邦故於是年中分其地自立為部現部內野地尚多居民不過數千人故猶未能成邦也

拿部

按經緯度數南自四十度至北四十九度計長九度東自九十五度二十分至西百十三度三十分寬十八度十分

拿部即拿布拉士格其北界英之屬地東鄰弟部與愛邦東南界默邦南接剛邦西南連武部西界頰邦與華部地之寬廣約兼有江蘇安徽河南山東山西




直隸六省之地比合愛威米梅弟五邦部為更大。地勢因西界有長嶺一條故地形殊高然漸東則漸下矣。長嶺名落機山北由英之屬地下接本部西境迴環起伏以為華部頰邦武部與本部分界之限。嶺之延袤約長數千里直過聯邦之南境高凡一千三百五十餘丈。部中又有小嶺一名墨山斜亘部中迄於西南。部東有默疏理大河其源即出於落機山。河分兩源均在北四十五度西一百十三度之地然後合流而歸於一派。如部內之葉落斯情意即黃石河也拿布拉士格等河皆東流入之。近西一帶地土沙漠河道多淺涸惟大雨時降或雪消

之候始形漲溢焉。地氣土產貿易等皆同弟部。民數前十年不過五千前四年乃有萬餘矣。現分郡三十有奇。都曰呵馬哈在部之東南默河西岸。

剛邦 按經緯度數南自三十七度起至北四十度止計長三度。東自九十四度四十分起至西百六度五十分止計寬十二度十分。

剛邦即剛色斯初屬綵細亞那前七年始立為部今年辛酉春乃陞為邦。北界拿部東鄰默邦南接印甸地西南連柳部西界武部幅員同默愛二邦約比華之直隸山東兩省。邦內野地甚廣多茂草遊牧最佳。西有落山綿亘南行又旁多小嶺地勢由東而西漸漸低下畧如平坡。東有呵撒克山由



此蜿蜒而入默邦亦頗不短率即默邦呵些治河發源之處邦之東北有默疏理河由此流至默邦又有剛色斯河其河分五大支皆會歸於默河邦西又有耳剛色斯河由落機山發源橫貫邦中南經印甸地而入耳邦其餘小河未能悉數河濱之地類多林木地氣通邦和平種植諸物南北如一田畝亦頗肥沃工作之民與務農者邦東居多地利金銀煤石及五穀果實等百物咸備民數據前五年不過八九千人後二年乃有二萬又後二年則四萬餘矣郡四十餘邦都曰里敢布頓在剛色斯河之南

印甸

按經緯度數南自三十三度三十分起至北三十七度止計長三度三十分東自九十四度二十分起至西一百度止計寬五度四十分

印甸即新地土人各部之地北界拿部東鄰默耳二邦南與西均連德邦西北界柳部地同瑪費二邦比新英地畧小約類華之江西省焉居民皆土人丁口約十數萬內有十餘族類各分部落每族定居一方創立政治各有首領等官彼此相和民皆聚族而居自為村堡類能耕讀一切亦有會堂學館等制土產諸物如牛羊雜畜五穀花果等皆同聯邦原其始各族皆散處四方後因別國人來此互買其地開創新國即今之聯邦國於是當國之中



擇地一區名曰印甸地俾諸族類悉居於此而聯邦人時傳教於其地以故其民習俗漸移技藝工作亦駸駸乎日盛聯邦又與之立約各不相擾俾得安居云茲就印甸諸族可知者略附一二於後

知落機族原居押利結尼山於前三十五年始創政治後十年因盡賣其地於聯邦乃移居於印甸之北東二方當耳剛色斯河之北地約得印甸三分之一初此族素無文字因被傳教者所化居民另創一種新字數雖八十有五其用無窮至今咸遵從之族分八分首領一任四年輔理者三員任各一年審官分三等族眾公會

分兩班上班每分選三人計二十四人中集議一次

會堂所在曰達理卦

吉栗士族始居於卓雅二邦後移此習俗政治皆同知落機與西米孛里族相鄰均在耳河加拿他河之間

卓道斯與知格亞騷斯亦二族合居在加拿他河之南文字政治同知落機地分四分卓道斯族得三分知格

亞騷斯族不過一分二族各有首領會議者四十人會堂之所在加密詩是二族之民凡男者俱為兵間亦有為聯邦之兵者每分督兵者以三十二人為例別有一將軍者總督其諸軍焉

按以上諸族來源其民皆不能自解又無載籍可考是以鮮有

知者然以愚意窺之覺其形色習俗頗與亞細亞洲人相彷彿又亞洲人現今間有由太平洋海遭風來聯邦者或其初亦係因此而至亦未可知

柳部

按經緯度數南自三十一度三十二分起至北三十八度止計長六度二十八分東自百三度起至西百十七度止計寬十四度


柳部即柳墨是科前二百八十年為士班雅人所據前十五年始入聯邦後五年乃立之為部其地北界武部剛邦東鄰剛邦印甸與德邦南界德邦及爾理瑣那西連嘉邦地同華之雲南貴州省而比伊愛威三邦略小部內山嶺重疊起伏不一極長之嶺即落機山自北貫南直近部中山東之地漸西漸高以近山故也部內河道甚多其大者曰理呵骨關在落山之間南入於德邦

又有在西者曰哥羅拉度即與嘉邦分界之河在南者曰理呵吉拉乃爾部分界之處通部地土肥瘠不一氣候溫和山地產金銀銅大木等曠野多茂草遊牧最便居民務農者亦頗不少但技藝文學尚未極盛云民數據前十年約六七萬部分十數郡都曰散地費與理呵骨關河之東岸約遠六十里

附爾部

按經緯度數南自三十一度二十分起至北三十三度二十分止計長二度東自百六度五十分起至西百十四度四十分止計寬六度五十分

按爾部即爾理瑣那初屬墨是科國前七年入歸聯邦與柳部合後一年乃分之去年庚申始立為部其地西




北東三方均界柳部南界墨是科國約比柳地六分之一部中山峯羅列偏東有落山直貫而過部之三面均以河為界理呵骨闌在東界由部之東南入墨灣北之理呵吉拉西之哥羅拉度河皆入嘉灣地利多金礦其餘土產一切畧同鄰地

武部

按經緯度數南自三十七度起至北四十二度止計長五度東自百六度起至西百二十度止計寬十四度

武部即武達初屬士班雅後歸墨是科國前十二年始入聯邦前三年乃立為部其界北抵頰邦東北界拿部東鄰剛邦東南與南均連柳部西接嘉邦地之寬狹較比德邦稍大約同華之雲南四川兩省部內長嶺極多

東有落山蜿蜒而下以與拿部剛邦相分界西有西亞拉尼哇達山乃與嘉邦交界之處部中之稍東又有哇撒支山係落山之一支自東北直貫至南境界部為兩分稍西又有衡波的山勢亦頗綿亘當二山之間南北各有一嶺橫亘西分中間之地高約五六百丈居民以其四周有山名之曰環地蓋象形也是皆部內山嶺之極大者其餘小山四處羅列難以悉載諸山之水隨處滙聚成為數湖諸小河入之河之大者曰索列意即鹽湖也長約三四百里寬百餘里其大河名哥羅拉度在部



內分兩支，皆自東北之落山發源。水濱之地，林木甚多。山地產金、銀、鐵、煤、石等，但民未嘗採之。地氣寒暖不齊，土產無多。前五年民數五萬有奇，另有土人約二萬。郡十餘，都曰費里馬，適當本部之中。最大之鎮名索捏吉，西地意即鹽湖鎮也。在都之北，較都為更繁庶。現國人思自落山以東起，以次而西，踰諸山嶺，接創鐵路數條，有由北而達太平海岸者，有由南而至於海濱者，有由中路而至者，皆取便於火車往來。且自東詣西，計日可達，而國中土產一切，隨在皆易於流通矣。然方經建議，尚未舉行也。

按通國舊分為三大分，東分與中分已建鐵路相通，惟西分之地未創，故議興之耳。

華部

按經緯度數，南自四十五度三十二分起，至北四十九度止，計長三度二十八分。東自百十一度五十四分起，至西百二十四度四十分止，計寬十二度四十六分。

華部即華盛頓，前十四年本與頌邦合為一地，迨後十年始分開為部。北界英屬地，東界拿部，南界頌邦，西界太平海，地同諾叟卓三邦，約比四川省微小。部東有落山，綿亘東界，蜿蜒東南而下，當中之偏東，別有數嶺，與落山相依附。偏西亦有數小嶺，小嶺之外又有長嶺一條，名駕斯結的，最高之處凡一千八百丈。山距海濱之地約二百餘里，而濱海之區另有長嶺一條，乃海岸山，約高八百九十丈。兩嶺之間又有數山橫亘，其中如磴道然。山內之地勢頗平。




行與部中之地相似。部內極大之河，名科倫布亞，分南北兩支。一出本部之東北，一出額邦，均發源於落山。部西濱海一帶，海港甚多。西北有儒安弟福加小海，海灣名皮與直的灣。田畝之區多肥沃。山產金、銀、煤，各種大木等，又多飛禽異獸。民數前三年一萬有奇。郡二十餘。都曰阿林比亞，在部西皮與直的灣之旁。

額邦

按經緯度數，南自四十二度起，至北四十六度十八分止，計長四度十八分。東自百十六度四十分起，至西百二十四度三十分止，計寬七度五十分。

額邦，即額里恩。前三年始由部陞為邦。按是地作部之時，東自百八度四十分起，本與拿部為界。後裁邦之，以東七度五十六分之地，屬華部理之。名其地曰灼灼。

尼而於百十六度四十分起，為邦之東界。故邦域之地，轉狹於為部之時焉。現邦內之地，北連華部，東鄰灼灼。尼地南接武部與嘉邦，西抵洋海。約比威愛二邦，同於華之雲南省。邦內長嶺層見疊出，計分邦為三分。在邦中之東者曰卜路，意即黛山也。在邦中之西者即駕斯結的，沿海者即海岸山，名可士的捏蚩，言其臨海也。西分之地，當海山之間，地土極腴，宜於農圃。中分亦頗不惡。惟東分之地，未經開墾，荒野甚多。邦中河之大者，即科倫布亞河。在北與華部為界，其南支入邦之東，又為灼



灼尼地分界之處。邦中山嶺產石、煤、木料、金砂等。水族多鱗介之屬。地氣和暖多雨。民數前十年不過萬餘。後三年則三萬。前二年乃有八萬餘矣。內有華人約五千。郡二十餘。都曰撒冷。在邦之西北。

嘉邦

按經緯度數南自三十二度二十分起至北四十二度止計長九度四十分。東自百十四度二十分起至西百二十四度二十五分止計寬十度五分。

嘉邦即嘉理符尼亞。當二百九十年以前曾有英之水師官至其地。相其土色。謂其地必產金。繼後此地為土班雅人所據。久之又屬於墨是科國。迨前十二年始議歸聯邦。於是聯邦人往經營其地。夫然後黃金現。移居者日衆。民遂創立政治。前十年乃立為邦焉。其地北界

類邦東鄰武柳爾三部。南接墨是科國。西抵太平海。地形斜曲而長。與華部類邦同為聯邦。中極西之土。其疆域之延袤。約比伊愛威三邦較華之陝西甘肅省稍大。邦內有長嶺兩支。在東者曰西亞拉尼哇達。在西者曰海岸山。皆在邦內長二千餘里。其峯巔最高之處。約一千四百丈。名滿殺士大。年中常有積雪。山面松櫟叢生。森然凝碧。望之如施屏障。東山者金壙尤多。即所稱金山者是也。現產金之區。長凡千餘里。寬約百里。居民名之曰金田。言其金之多也。他如市鎮諸小山。產金處甚衆。難以



枚舉來採之人日以萬計海內各國趨之如衆水之赴壑其間華民去者幾數萬兩山之間地勢寬平土壤肥美長約一千五百餘里寬百五十里許近海一帶小灣無數其大灣名桑法蘭西士哥灣之口名金門河之大者有二在北者曰撒格列明度在南者曰桑卓爾金其左右之小河皆歸之而合流於桑法蘭西士哥灣邦南有湖名都拉利南方之諸小河多注之當淫雨之際湖水驟漲鄰近百里之地往往成水鄉焉地氣近比較溫和惟兩山派間盛夏炎蒸最盛賴有海風不時吹盪稍覺涼爽地利除金之外銀銅鐵水銀石煤大木咸備農圃所產稻麥秫米各雜穀絲麻棉花烟草百果諸蔬並皆佳妙海濱及河湖內鱗族繁多民數現四十萬一千九百七十餘內有黑人二千印甸土人三萬華人五萬餘其市邑之喧譁樓閣之壯麗商旅如雲舟車輻輳誠所謂富邦也邦分四十餘郡都曰撒格列明度在邦中鎮之最繁者即桑法蘭西士哥邦政學堂諸制皆與馬干等邦畧同

按本邦之金自戊申年開採起本年鎔之實得五百萬餘己酉年得金二千餘庚戌年得四千五百萬餘癸丑得五千五百餘甲寅得五千餘丁巳得四千九百餘是皆聯邦歷年得金之大數以後諸年所得多寡不定然總不遠乎以上之數云至於他國之人以及華民所檢得者不在此數內

二十萬四千三百十通國分南北二分。北分現計民數不
 三千八百八十萬二千一百二十四人。南分之邦多用人
 一者現合奴僕亦一千二百四十三萬三千五百八十八人。
 五諸部之民總計四十萬人云。考新地之有奴僕始於初得新

地之時至販奴之弊則開端於葡萄牙也。是時新地多

葡葡牙則由阿洲中有屬地故得販黑人云。士班雅王

又以新地人少特准每年買奴四千故後歐洲各國遂

多有以販黑人為業者至荷蘭人載黑奴來則由前二

四十年來遷於新英時有荷人載黑奴來則由前二

自後各馬地轉賣遂多奴矣。既而英人憫奴役之甚苦類

大美聯邦志畧下卷終

前罪之而罰其舟我聯邦亦於前五十年仿之而行迨

前二而罰其舟我聯邦亦於前五十年仿之而行迨

前二而罰其舟我聯邦亦於前五十年仿之而行迨

老兒館發兌書目

博物新編	全三卷	此醫畧論	全四冊
地球說畧	全三卷	內利新說	全三冊
聯邦志畧	全二卷	婦嬰新說	全二冊
六合叢談	一八卷	佩斯達馬	全六冊
香港新聞	八冊	萬國公法	全六冊
中外新報	數卷	明百原論	全一冊
中外雜誌	數卷	英和辭書	全一冊
航海輿地圖	壹冊	英文範	全一冊

右之外舶來新書之書藉其外醫學所諸先生翻譯醫書并
 所書商額月刊行希四方諸君了多披閱
 元治甲子秋
 東都豐川三之橋
 萬原氏印

